



1 4
1544
144



14
1544
144

童山詩集卷十三

綿州李調元用村

壬辰

壬辰元旦發行唐至定州道中

爆竹聲驚五鼓頭
人情淡薄客難留
殷勤只有青山送
明月清風過定州

保定風懷二首

今茲重踟躕
往事憶踉蹌
傾心人情薄
煩冤眾口揚
丹心千載爛
碧血九泉香
欲恨黃昏迫
無因莫酒漿
更無人可恃
止有向來驚
彈鈇彈忘辱
誰能始覺難
同

童山詩集卷十三

14
1544
144

童山詩集卷十三

綿州李調元雨村

壬辰

壬辰元旦發行唐至定州道中

爆竹聲驚五鼓頭
人情淡薄客難留
殷勤只有青山送
明月清風過定州

保定感懷二首

今茲重跼踏往事
憶踉蹌傾軋人情
洵煩冤衆口揚丹
心千載耀碧血
九泉香祇恨黃昏
迫無因奠酒漿
更無人可恃
止有自加餐
彈鋏渾忘辱
揮金始覺難同

聲心不應異樣色相看謝鳳毛雖在風霜漸脫翰

寄謝錢培生惠物四絕句

雪谿谿水最清漣濡染毫尖體自妍卻笑江淹才思盡

不須五色贈來鮮湖筆

龍蟠雙脊豹囊携褚郡平章品較低當日南唐車載盡

可能家法李廷珪徽墨

我蜀花箋重薛濤不知又有衍波高居然一幅吳松水

欲得并州快剪刀松箋

玉靈陰鑑走銘文金線紅絲迥不羣誰解暗尋鸚鵡眼

溪頭截下一團雲端硯

定興縣

路過白河岸搖鞭逸興生題詩宣化驛買酒范陽城柳

葉黃鵝嫩梅花白蝶輕日邊看漸近春色滿皇京

初到京奉簡編修祝芷塘同年二首

兩年久別燕中侶正月重來劍外身麋鹿尚懷千里友

鷺鶴又換一班人割鮮念爾兼求富假館知余素位貧

要識從前舊風味依然愁裏過新春

奇絕潺亭共一巵燕臺重見悵多離花搖銀海方來日

是日大雪椰折金山想去時驚壓九衢仍擾擾鶴歸三徑尚

遲遲如今宦海為家客不向風波問險夷

附

編修 祝德麟 芷塘海寧

且欲追尋終古事最難料理百年身文章自帶江河
氣疎散仍為軒冕人菊徑不成陶令傲琴臺偏愛馬
卿貧三間宣武城隅屋贏得深藏故國春

幾番盤上相逢到酒卮算來踪跡總多離每吟渭北春天

句謂集中見難忘巴西夜雨時諸子才華若較健同

年官職我甘遲濟川卽在開帆卜莫待中流試險夷

來詩云如今官海為家客
不向風波問險夷故答之

移居宣武門東二首

已自拋家天一涯僦居那更說移家團團牛磨都陳迹

小小蝸廬暫避講絕少佳鄰難借酒無多隙地亦栽花

看雲樓下長回首不倚雕欄幾歲華

新覓栖身屋數椽欣然斗室任歌眠墜中蕉鹿知何地

甕內醯鷄別有天路近層雲依北闕門開爽氣望西川

他時得遂歸來志便載殘書策短鞵

和墨莊弟清明詩

清明忽動兩眉愁拋棄家山萬里遊有母有妻懸故里

無衣無食寄他州牛眠墳墓誰為掃鷄肋功名祇合休

不見燈前兒女笑相思白盡老夫頭

丹徒王少林同年嵩高携寵姬桃葉回南白晝桃

葉歸舟圖索余題詩六首

畫橋燈火昔年遊，犀押銀缸共一舟。
紅袖烏絲人正醉，恰如山谷在揚州。

秋到江南雁欲飛，石城新載莫愁歸。
最憐小艇湖邊宿，笑向雙鬟攬袂衣。

自矜十五嫁王昌，却扇時時故昵郎。
好是舳舻剛共倚，飛來十一紫鴛鴦。

桃花潭水浪泠泠，但覺鶯聲喚小青。
二十四橋簾未捲，榜人搖過竹西亭。

輕輕柔櫓返江村，擁髻相看合斷魂。
羨爾木蘭船上客，

欲將桂楫訪桃根。

燈閣風流彼一時，又傳新得謝芳姿。
浣花溪上唾同夢，也學濤箋賦艷詩。
余有艷詩四絕為妾萬氏故云

題蒲靜遠所藏文待詔十洲全圖二首

蜃樓結撰似仙居，天水溟濛展卷初。
滄嶼風檣趨筆底，此公合是木元虛。

大瀛八極杳如烟，漢武秦皇亦可憐。
必欲南溟問踪跡，垂雲鵬去只三千。

過大房山

看山一路到房山，遠近螺峯點翠鬟。
為問雲中青幾點，

路人遙指紫荆關

聞王少林嵩高病足二首

少林何事骨支撐半為吟多太瘦生室內扶顛無僕婢
門前問恙有公卿一年斷酒閒鷓杓六月看花過馬纓
何日詩肩高自聳西山準擬踏崢嶸
只宜閉戶不宜遊落得休時且暫休西子捧贖非是病
南人軟脚未為憂儘教桃葉垂青盼莫令楊枝送白頭
他日鳧飛應更速天教健翮養深秋

送朱子頴孝純出守泰安

如戟髯翁畫不羣大同殿上水聲聞名見時上命畫水石稱奇賜段正

往年飽看峩眉月此日高攀泰岳雲似我宜稱朱士屨
如君真是李將軍何時得逐東山志日觀峯頭一訪君
芷塘同年齋中有秋蘭茉莉各二盆秀茂異常屬
余作詩各賦一首

契濶念素心忽動伊人懷入室坐未安馨芬盈庭階此
種秉幽趣高寄白雲隈一為香所誤遂與諸草偕其芳
終不言自分溷塵埃今充君子佩永得邀栽培月夜靜
相對如與人忘骸願言託孤根歲宴兩無猜秋蘭

靈苗本西域錫名異花史或號小南強夸耀徒云爾豈
如今所種碎瓊實難比暗麝何處來珠珠簇小蕊宜插

美人簪與君玉相倚得勿合爲一芬芳原竟體勸君急
把玩此物最柔靡一遇寒飈來只宜還廟市

茉莉

送進士熊映蟠歸蜀

羨君射策步天梯年少丰姿衆莫齊却有一番堪惜事
上林未借一枝栖

喜晤永康牧昆珍弟至京並贈交桂

少日心情太激昂邇來猶未變疎狂君如病馬猶思騁
我似飢鴻已懶翔昔荷國恩多自許今膺家難少人襄
此軀未必千金值饋藥寧言不敢嘗

和同年比部姚姬傳薰見訪元韻

天遣余閒事亦奇竟無一事可相羈故人相見清風後
新句如歌白雪時顏駟只今容愈醜潘郎誰念髮成絲
當年共展鸞凰志此日應歌二鳥詩

檢討侍路川朝見示和姚姬傳韻再和

有客排門頗自奇氣如天馬不能羈心能從井相知早
口若懸河不避時兩載官身長似繫一封家信亂如絲
閒來莫訝狂吟劇萬斛窮愁盡付詩

盆內養金魚數十頭得詩二首

閒來無事學埋盆養得文魚怕水渾雲雨終非池內物
其如升斗活難存

飼餌依人兩不猜落花流水共徘徊莫嫌盆面香萍少
層網安從此處來

王少林同年嵩高以詩索金魚分送數頭再次前

韻

堆金砌玉半瓷盆急遣遣君水未渾若見紅鱗應倍惜
當年我輩亦龍門

新月如鈎莫暗猜天光雲影共遲徊祗緣身有文如錦
惹得才人挾藻來

和王少林見戲午睡元韻

樽俎常開醉不支人言中部似崔漪誰知自別田園後

翻有高眠飯熟時

送刑部郎中呂陶村元亮同年督運川餉

執法西曹又呂刑新啣詔命下虞廷天懸蜀道當三
伏地入秦關走五丁飛輓不教民力竭佩囊好奏聖人
聽叩峽指日旄頭落鴻筆還看泐劍銘

送程魚門晉房舍人奉詔回南訪求遺書

騷壇今日程文海大筆當年蘇長公貧到無炊猶愛客
吟成有病尚求工屢遭棄甲心逾勇代祝添丁願總空
此去遺書船滿載歸來應趁好秋風

奉懷新鄉錢明府蕺齋蕺齋例推司馬以軍需進迫尚未離任

忽覩見飛憶故人旗亭話別又經春臨淮早已徵黃霸
河內今仍借寇恂往日風流應似舊寄來詩句更生新
從來利器盤根別休使腰摧志不伸

七夕和吳鑑南韻

天街如水寂無聞卧看雙星至夜分穿線有情輸女子
晒書無腹負將軍月鈎墜處螢方度雲漢斜時雁叫羣
苦和君詩不成寐半瓶濁酒已醺醺
爭傳乞巧若無聞只足鄉思到十分張錦昔時嗤漢武
請纓今日羨終軍是日送呂陶村從軍至蜀庭中露綴千蛛網郊外
風嘶萬馬羣未得相隨賦歸去愁來不醉亦如醺

立秋後三日訪吳鑑南不遇遂獨遊法源寺薄暮

方歸仍用前韻寄鑑南

叢林高處鳥聲聞一院清陰羨爾分月下草蛩同和韻
雨餘槐蟻亦行軍拋殘書卷人何往抄就新詩思不羣
聞道棗根儲嘗酒可能撥甕共拚醺君嘗以酒嘗蟻樹下過七日始飲
秋風先向塔鈴聞步入招提路不分賜額功歸司禮監
泐碑名惡范陽軍寺為明正統十年內侍宋文毅重建賜額崇禎壁上有唐御史大夫史思明
碑井邊澆菊僧呼伴殿外盤松鶴引羣應是林深飽烟
露晚葵花臉尚含醺

寄懷固安陳明府韞山

身在天邊去任難思君長望大河干雲連樹色千章白
日湧沙濤萬頃丹聞說王喬方賜履應知貢禹欲彈冠
請看梧葉秋凋盡尚有松柯耐久寒

借祝芷塘編修訪吳鑑南法源寺留飲至暮方歸

明日芷塘有詩因和其韻

休怪連朝作答遲每逢敗意輒停詩孟嘗頗厭三言客
張詠還愁一字師雨過小園除菜蝶晴修壞壁走蛇
醫誰知更有催逋債笑索枯腸一償之
煮酒強於顧建康那禁下酒解詩囊興來不怕比鄰惱
歸去應須醉尉妨此日心灰難跋扈他年名在恥游揚

旁人休作林麀笑我是鴛鴦未列行

侍御劉乙齋退思軒小飲分賦

濶居纔幾日幽逕別開軒愛石每高枕編籬作小園書
聲聞客任棋響共誰彈無過從何補題名亦妄言

訪新陽門府張方巖同年宏猷於白衣菴有感奉

贈

萬人誰舊識匹馬問新陽草長門常掩花多徑亦香同
年星宿散異地暮雲望誰念吾儕在相看各老蒼

重陽和吳鑑南韻二首

相逐連朝困酒巡豈知今日是良辰西山過雨多遊騎

北海無風起涸鱗萬里遙憐兄弟隔一杯却喜友朋親
長安久住非無謂尚少催租敗意人

問儂底事不懽顏昨夜秋聲夢故關
桑落釀成誰共醉菊花開好幾時
還風流此日叅軍孟潦倒當年吏部山
京洛詩豪誰第一題鮮新句滿人間

九日後一日比部姚姬傳邀遊法源寺看菊

纔過重陽景色新步來蕭寺淨無塵
僧知午過能供客鴈到秋來總是賓
但使有花消永晝何嫌無酒負佳辰
旁人莫怪風吹帽我是龍山坐上人

和程魚門訪菊一首

一生偏愛菊陶令定前身不見白衣客
自招青眼人訪花如訪友沾雨不沾塵
踏破東籬路應遭鄰叟噴

我豈前生菊相看並瘦身只將香供佛
總覺淡如人聞道荒三徑何曾染一塵
入禪蕭寺訪苔破不須嗔

同吳鑑南法源寺菊

菊似知余喜含苞吐數花傲霜孤榦
挺冒雨一籬斜讓客飛寒蝶遲人到暮
鴉伊蒲雖有饌不遣酒家賒

學士朱竹君筇座中題羅兩峯畫

兩峯落筆走松濤中有蟠蛇氣鬱陶
我醉渴思吞馬乳君言此是畫葡萄
葡萄

拳足何曾磐石安翠毛猶鬪日光寒雖知渠有文章在
莫作山鷄舞鏡看孔雀

植物之中竹難寫白樂天詩最表揚今日不須夸與可

風風雨雨是蕭郎竹

枯枝點染是杖屨想見東坡竹外斜怪道昨宵類有夢

騎驢江畔覓梅花梅

題比部侯景園愛竹圖時景園告假欲歸

侯侯朝以長卷投督視恍覺風颼颼坐對此君者誰子
得非愛竹王子猷此竹移根應嶰谷鎮日遶林聽不足
可憐月影滿庭時千蠶風梢亂寒玉昨來示我礪軒詩

詩比琅玕尤瑰奇若使和鳴作鸞鳳寧教伶倫借管吹

看君終日倚修竹幾卷圖書供晚讀此中定有葛陂龍

不爾能孫何滿目怪君歸志上征鞍為言別久思檀欒

我為題圖進一解故園邇日正平安

送吏部陸補梅燦出守潯州二首

相看五馬路旁分忽念南曹共事勤蹊逕早年慚李父

庄田今日剩崔羣壬申浙闈補梅出先君門下舟過潯水人衝霧路

指崑關馬拂雲此去定知殊報最好移風俗答明君

朱幡欲送意翩翩白蛤西華只自憐念我長安無米爨

知君合浦有珠旋百年容易看消髀一事偏難是脅肩

他日嶺邊如鴈過好將書札倩渠傳

前余題兩峯畫有騎驢江畔覓梅花之句兩峯為

余寫作小障朱子穎又為補圖中景既成邀兩峯

子穎鑑南少林集韻牌余得五律一首

我是圖中客騎驢江畔來梅方衝雪發鶴正盼余回今

日鄉心動何時懷抱開磯邊凝望處零落漸生苔

和程魚門遲雲閣賞雪元韻

并序

閣即余向之看雲樓也自余已丑歸蜀後屢易

主人今為編修王方川所得方川曾有重遊之

訂而以俗冗未暇昨訪魚門出二詩相示則雪

後飲閣中所作同司王鎮之亦有詩遂步其韻
以示二君翌日當示方川並徵後約也

苦恨梁園未見招驚看健筆插岩巖昨朝客集三千履
往歲人歸萬里橋蕉鹿夢魂真懺恍尊鱸鄉思又蕭條
嚮隅誰念僑居者獨抱寒衾度短宵

身是滄溟一寄螺行歌燕市日顏酡自憐余勇猶堪賈
其奈君恩未肯波蜀道崎嶇來騎少長安傳舍閱人多
更拋青紫非難事壯志羞教付綠蓑

初疊前韻寄程魚門

憶昔登樓不用招每同携酒望岩巖晚烟恰似乘輕艇

童山詩集卷十三
殘雪渾如上斷橋
誦去清詩皆異想
談來經義必同條
今朝月落空梁在
誰使笙歌鬧徹宵

主人愛客出鸚鵡
想見髯翁面最醜
君據胡床真有興
我如古井已無波
爪留泥坂飛鴻遠
目送寒垆凍雀多
倘許尖叉重入社
未應句好羨漁蓑

魚門再疊前韻見示
有終是吾儕樂官職
江湖本不少雲蓑之句
爲廣其意復次韻答之

不用淮南累見招
自依北闕赴岩嶮
慕人世閱聯三戟
負我名園第五橋
篋裏畫圖愁易觸
客中歌詠氣難條
黃昏賴有君詩寄
起舞高吟過半宵

君身有似聚香螺
久不聞香各已醜
百代風騷存砥柱
一時議論若懸波
書藏李泌猶嫌少
金笑蘇秦亦不多
我也殘年衣典盡
護寒祇恐欲謀蓑

吳鑑南亦用前韻見戲
去年納姬之事奉答二首
姑射仙人豈可招
爲余月夜下嶠峽
敢夸金屋粧嬌艷
曾向銀河借鵲橋
桃葉歸時何用楫
木蘭開後可憐條
憑君爲話年前事
只恨歡娛促短宵

畫眉驚見掃宮螺
爲愛穠華臉半醜
怕有飛梭防折齒
喜逢破帽肯回波
風懷漸向燕中減
春色還憐錦水多
不是多情鍾我輩
老來好伴織田蓑

來詩有自是鍾情我輩多之句

臘日仍用前韻二首

我本山農不受招偶從蜀道下岩堯再來已謂麒麟楮
歸去先慙驪馬橋臘雪未消看挂樹春風初到欲驚條
何時獲慰團圞樂便擬華燈宴百宵
吾年未老頂成螺漸退朱顏借酒酖自悔少時馳若鶩
暗驚去日速如波守株待兔愚堪笑博塞亡羊失已多
至竟不知成底事此生端欲老牛蓑

除夕再疊前韻二首

是日聞王師平定小金川
信固安司馬陳韜山遣人送

栗度

歲去堂堂不可招如蛇赴壑緲岌堯莊周近貸監河粟

种誼遙通講渚橋且喜旅居無市責誰言里巷有科條
愁顏暫豁還堪歎四十飛騰遞此宵

苦憶雲龍幾點螺醒園別後付誰酖梅花空放千堆雪
栢酒難添一菊波妻女連年音漸隔僕僮守歲夢偏多
夜闌忽記暑時樂放學歸來着雨蓑



童山詩集卷十四

綿州李調元雨村

癸巳

正月朔高白雲先生由華亭令行取禮部主事來
京先生本辛未庶常今仍還京職出和袁子才蔣
心餘兩前輩詩見示

後堂不到幾多時覲面方驚兩鬢絲喜接春風容再坐
細聽夜雨話相知袁宏文筆千秋仰蔣詡高名二仲隨
怪道詞壇無敵手曾同兩老角雄雌

玉堂著作有先聲不為郎官始表名人以內墜多代惜

官由外任轉偏榮頭銜依舊水條冷行篋從新雀毳輕
自此相隨寧計日祇愁熊軾促行旌

送大兒朝礎歸蜀省母

自我再來京携汝共馳逐豈惟畢婚事兼妨失舊學去
春花朝前親迎至平谷納吉與納徵禮繁費不足固安
借貸回始得錦團簇新婦初下車肅拜喜有福好合雖
燕爾晏安戒醜毒幸我官未補得以課汝讀又恐責善
離延師致薄束館塾不數武朝夕得親督先生吾年友
學富行亦樸循循真善誘日令苦孔卓昨者書南來汝
母思汝酷門戶強支撐官租日催促長女已及笄

誰屬目况有婦未覲顏色可如玉念汝有孝思私向竊
著卜時覽身上衣淚下不能續能不令汝歸從汝心所
欲臨岐翻恨迫繞庭自躑躅人情思父母畏愛各異腹
母慈多姑息父嚴易鞭扑豈謂性有他實則恩同篤總
之望汝成不殊饑待粟汝少猶聰慧嶄然見頭角汝祖
含飴弄謂可大吾族迄今已成人雲鵬飛應速如何似
轅駒櫪下仍蹉跎不見東家子潭潭公府宿不見馬前
卒塵中走碌碌汝今歸至家賢師有兩叔俱從吾指授
文體必不駁汝於解裝時疾用啟書篋詩禮本家傳選
理要精熟莫似昌黎兒金銀字從俗應如蘇叔黨小坡

童山詩集卷十四
名不辱慈烏知反哺老牛解舐犢我今亦衰矣世路懼
顛覆汝去誰扶持加餐聊自勗我雖身在外宦興淡於
粥口有山林想何年遂初服汝歸至醒園爲訪舊松竹
薪木毀傷無無萬人我屋更爲告汝母多多藏醞醪待
我歸來時與客醉百斛醉眠落花間一任風吹覺

江柳

春盡東風草色青鶻啼日落客愁生江流不斷暮烟合
一樹垂楊萬種情

題醒園圖有感六首

車家山下老農夫走上長安十二衢昨夜鄉愁眠不得

呼燈起看醒園圖

自分途窮命裏該君平不必太驚猜虎頭不是封侯相
欸段他時歸去來

每到花開躑躅頻故山不見共誰春生憎一幅桃源畫
付與漁郎去問津

再向天涯理客衣回頭三十九年芙蓉溪春色花如錦
不爲尊鱸也合歸

煩惱詩人二月天長安買醉日高眠不須怪我朝秦懶
夢裏醒園只枕邊

故山茅屋傍雲龍欲寄新詩再拆封寄語兒童牆角外

明年添種幾株松

送農部吳鑑南煇以刺史之蜀籌餉二首

蜀道青天上青天我故鄉夷民思向化
天子念循良地本江爲錦人稱國是香
君今從此去遙聽說龔黃困獸窮猶鬪
王師網尚寬三軍瀘水渡六月雪山寒
聚米知形勢飛芻戒飽餐贈君腰下劍
好去斬樓蘭

偕周松岑士孝遊白雲觀

駕言出西郊共訪白雲觀蒼蒼松栢林
金碧飛甍絢聯步上月橋龜拆池已旱
黃冠四五人揖我下前殿爲指玉皇樓
巍巍插霄漢雷聲忽滿梯身已在天半
上界足

官府鞠躬未敢翫座有黃庭經不許偷眼看
聞昔邱真人於此丹砂煉騎鶴已上昇遺文貯空院不知何方道
扃戶學靜幻童子報客來箕坐目猶眩試扣以元理杖
梧雜吐嚙不讀參同契但云吾道貫如此槁項坐哀爾
命如線何時青鳥來倘許我一見

復偕周松岑遊吉氏園分韻得吉字

鬱鬱誰家園有杏牆頭出回首語周子豈可掉臂失相
携踰古垣麥穠芽始茁循牆不數跬已達朱門室有樓
半無窓假山剩齒翠懸鼠拱相向蝙蝠飛已疾回視廊
深處花木尙稠密忽逢駘背翁乍見遠呵叱此是潭潭

童山詩集卷一四
府芻蕘尚無一借問今何官彼亦笑咥咥云昔有將軍
縮頸諱名古炙手勢薰天朝廷資輔弼車馬如流水閭
闔半梳柳此亭破千家費以巨萬鎰何曾載酒來已向
邊方黜祇餘看園丁老病守蓬壘我聞不勝歎世事何
倉卒人主天地間真若禪中蝨深縫爭來家湯具乃恐
休不如隨赤松一問點石術飛昇固不知地仙尚可必
安能使百年荏苒如箭疾行當歸去來爾言勿再述

和松岑感懷韻

放蕩驩遊荷盛時邇來形德總支離醉如阮籍方長嘯
狂似王舒欲炙眉偶到無聊還獨笑儘教有恨莫回思

憑君努力加餐飯休遣星星滿鬢絲

和松岑留別韻二首

日高猶掩關睡亦漸成癖剝啄聞客來司閤門始闢披
衣起相見備述遠行迹不能事株守爲時尚薪積且當
歸林泉遶舍栽松栢君歸吾亦歸何須樹檠戟
人生慕銅符大都染錢癖使我二頃田豈赴四門闕奔
走似牛磨團團踏陳迹究竟空蝸廬粒粒未儲積百歲
終不大有若巖生栢莫作韓休輩區區謀畫戟

不寐二首

愁人渾不寐徘徊待明發何處涼風來吹落一窻月

酒醒渴思茶小奴呼不起坐見瞻瓶花自落硯池裏

與諸同年讌集大...

桃李花深畫閣東笙歌如沸燭搖紅門前倒屣來王粲
席上通家盡孔融翡翠簾間敲夜雨芙蓉鏡裏坐春風
自慚樗櫟全無用也廁羣英上藥籠

當年鸞鳳集宮墻盡羨鴛鴦班早綴行喜氣卽今輪捧檄
壯懷何日待烘堂一天星宿披雲宴萬里江湖落日梁
醉舞幾曾拘禮法吾儕原是聖門狂

送米曉亭錦同年之江西樂安任

連年輦下歎僑居捧檄今朝樂有餘地僻豈能終紉驥

水清定自不驚魚鴈飛彭蠡三江外人別燕山二月初
倘念京華舊詩侶臨風好寄一行書

閏二月二十二日得河南孟縣令魯同年

礎兒已於初一日遣人送渡黃河屈指十日可底

家矣作詩寄兒

憶昨登程初著鞭臨門送子百憂煎幼年豈慣征鞍苦
此日欣聞故友憐蜀棧知欵遮雨笠孟津早遇順風船
老夫昨夜還堪歎夢裏還家占汝先

同年曹坦河南人得蕭縣令不之任卽引歸作詩

留別卽次元韻

自昔還鄉說錦衣胡爲四十便知非不隨潘岳栽花去
却似陶潛爲菊歸一刃何曾鷄試割千鈞肯爲鼠張機
知君高卧青山上定有茅菴結翠微
蕭縣聞當泗水亭琴高曾此鍊真形就令不作隨車雨
尚可追攀處土星百里春風收驥足一天夜月看鴻冥
携尊更欲留君任莫便沉酣喚不醒

送同年高上柱之四川新繁任

錦城佳麗地縣在錦城西綠竹人家屋紅橋野寺溪大
都無訟少莫便以刑齊倘有輿人頌吾詩付老黎

挽洗馬史林堂先生 贈謨二首 并序

史林堂余恩師也戊寅余自浙歸蜀補歲試邊
公爲提學從來補考皆附三等末獨余附一等
蓋破格也科試又拔一等第一獎賞以余卷通
示諸生謂教官曰吾考蜀三年未嘗見一秀才
此生文字皆佳方可當秀才二字即日送錦江
書院感恩知已實爲平生第一云
東宮推上選西蜀仰文衡一自荊州識爭傳國士名芝
蘭薰蔣儼華實羨劉楨豈意都門外旋看駟馬鳴
師將川任滿我始浙中回曾說三年考方逢一秀才錦
江邀造就翰苑復栽培自愧空羣望依然一老駘

悼亡詩二十首為妾萬氏作

漫說傾城絕代無佳人本自出魚鳧忽然物故真堪詫
 豈是山精又武都
 匆匆曾共觸霜風拜別諸親月正冬豈意竟成青塚恨
 萬山萬水隔重重
 六甲長愁怯弱身幸能設說更何嘆昨宵一語真傷骨
 命薄偏難產石麟
 死去原知百物輕香奩處處足傷情更餘一事堪腸斷
 愁聽呱呱索乳聲
 倩人前月寄娘鞋手白縫題淚滿腮此日郵傳知到木

可憐身已石芝埋
 誤汝君臣藥不肖竟無扁鵲一良醫垂危對我猶強笑
 想是肝腸欲斷時
 午夜扶持不暫離可憐展轉遍牀帷世間死亦無君苦
 翻勸良人勿過悲
 誰能同唱復同廢臨訣良言迺友生薄產較量粗足食
 人生何苦任京城
 食則同案寢同床幾曾一事不相商絕憐到死無遺屬
 執手猶言我不妨
 體佳曾記夏涼初笑執經編問魯魚小婢無知猶向說

童山詩集 卷一四
八
綉籃拾得讀殘書

月上紗窗恰二更如何夢亦不分明芳魂艷質歸何處

風動簾帷似有聲

父母頻呼淚海傾孝心真見出中誠掌珠自幼親恩重

死去家書只說生

當年七夕武擔山聘得仙姬玉比顏轉恨佳期當日誤

未聞織女在人間

迨吉當年賦標梅楊梯占得轉顏開報他絡秀心中事

方幅聯姻許後來

不少塗朱兩鬢鴉剖心盡欲看無邪如何猛雨朝朝有

易落偏逢是好花

閨中何計慰愁生鮓肉香腸佐一觥憶得夜闌聞酒渴

隔窻催喚鳳仙聲

鳳仙
婢名

桃葉歌殘思不勝雨隨雲散太無憑夜來斗室添涼色

誰送薰香半臂綾

榴裙褶子是新裁登在空箱未忍開今夜葳蕤渾不鎖

恐防怯冷攬衣來

每逢春暮及秋朝不是詩招卽酒招始悔歡娛全誤却

兩年辜負可憐宵

聞道身爲一聚塵百年哀樂總非真誰知痛到傷心處

童山詩集

卷十四

和皿詩成又示人

題介石上人雲棧雪霽圖

圖爲同年周介亭筆

獨坐茫茫喚奈何欲尋天女問維摩上人要識題圖客
家在西川落鳳坡

淡墨生綃萬點山模糊雪片落林間前年曾記嘉陵道
一笠衝風出劍關

雪下文君沾酒家無端碌碌走天涯勸君莫寫騎驢客
我昔同車有舜華

作如是觀真妙諦鏡花水月卷中傳此生已了空中色
只合長齋繡佛前

雜憶詩十首用元微之韻

原無金屋爲君開敢向仙源問渡來憶得天台初入洞
落花片片委蒼苔

牽來一線豈紅絲正是瓜瓠未綻時憶得羞人呼不出
欲前仍傍繡簾欹

歸寧幾日恨偏生欲見無因借別名憶得隔門通一笑
阿娘厨下已聞聲

雁聲九月鎮相催陌上香車緩緩回憶得六親相見後
共傳攜得月娥來

醒園家宴屆涼秋白石欄邊俯碧流憶得采菱分剝罷

鴛鴦來處一停眸

艱難萬里歷關河不使風塵浣翠蛾憶得駝輿垂小幔
溫柔鄉比在家多

三竿高卧日偏長正值春雲捧玉皇憶得歡娛長閉戶
早朝不羨侍中香

冬來霜重漸支離鎮日圍爐共酒卮憶得裁縫京樣好
舊衣先遣試參差

每因去住兩難時萬種愁來亂所思憶得閨中嘗勸說
長安久住豈非癡

離家未慣亦人情每聽更深出禁城憶得病時長不寐

擁衾共話到天明

題歸德太守趙檢齋房師詩集二首

漫說連膺五馬榮當年四海入文衡風流典郡傳蘇白

雲散升堂憶戴彭昔年諸同門於趙雲松萬鴈字題成

雲五色蘭花培就雨千莖師有鴈字詩三十首又有要

知風化關心處不在尋常課雨晴

春風不坐十年多雜沓門生奈老何水部高名誰繼續

師自工部郎外轉山公啟事竟蹉跎尊鱸秋思遶三月琴鶴清

風遍兩河他日歸途親講席要將白雪細磨歌

周允廷士振自豐潤謁選來京冒雨見過四首

大雨且如此君從何處來十年饑渴慰一夕笑談開事
過無須懺時來不用媒君看裘馬輩衮衮盡登臺

憶昔初謀面相留汶水濱今朝重握手如見故鄉隣夜

雨三聲鴈秋風兩家麟君尊甫及余先回頭年少事惟

有涕滂巾君尊甫及余先回頭年少事惟

睽離知幾日老境忽相侵交是貧時好官從拙處尋烟

紫香畔榻風動壁間琴客禮何曾具吾方醉未醒

阮籍狂徒爾王戎鄙未捐誰如喬梓繼復見竹林賢文

字承先澤功名定後緣嗟余真薄殖敢說投經鉛有佳

各見龍文欲
從余學故云

哭金川死事趙損之與鑑南諸人和程魚門韻

書生漫說樂從軍萬骨堆成一將勲飄縹魂穿深箬月

磷岫尸裹亂山雲空傳客裏登樓賦愁聽沙場吊古文

剩欲請纓成壯志無才祇恐負明君

和襄城明府張雲谷邦伸見懷韻二首

結交不在廣所貴同心蘭我有斷金人相思隔雲端久

而不聞香人室空盤桓朝來鵲送喜有客來河干探懷

出手書為言覲面難人生非有他造物偶控搏隨地走

四方險歷岌與垣火鼠自趨暑水蠶自趨寒所趨雖各

殊無非謀一餐我昔來京師所願一識韓文章非老成

亦向富波瀾翔翔附青雲和聲效鳴鑿豈知垂大翼終
爲尺獲蟠雖未終朝禠已殊占錫鞶所以鬱居此白晝
常鮮歡今君復見慰祇益羞顏丹會當拂衣去躍出塵
漫漫寄語數澤人寥瀾看飛翰

仲尼昔反魯援琴操猶蘭乃知雖聖人亦自多憂端我
少讀春秋篇未終隱桓芥視青與紫謂祿便可干無梯
可上天始知寸步難衮衮看諸公萬里爭鵬搏弄飛笑
鸞鳩安望高及峒碌碌走塵中誰憐賤子寒甚欲焚筆
硯恐因咽廢餐窮愁學著書又甚卑申韓雕蟲雖小技
尚可挽狂瀾君有太白後誰無慙金鑿坐令英髦輩俯

首目屈蟠知命故不憂斯口可書聲感君屬望意愁懷
愈不歡已除散仙籍安望大還丹回首望故鄉雲水何
瀾漫秋風昨夜動我欲師張翰

農部徐惕菴尊人玉亭先生以新繁令籌餉金川
至木果營遇難惕菴聞信卽素衣向西慟哭將萬
里至蜀尋父屍臨別出詩數章見示余故與玉亭
訂交甚契前年辛卯秋余將至京猶及見於成都
邸舍詩酒往返十餘日今追憶之赫若前事而其
人已往曷勝愴然因和其詩元韻以誌別並輓玉


亭

白馬秋風去帝城
旗亭話別一樽清
大忠不覺從軍苦
至孝翻悲死節名
血洒寒山鵲是伴
骨留荒礪草難生
因君至蜀尋消息
我亦悽然動別情

前年錦里葉初飛
曾別先生上帝畿
好友常歎如鳥散
依人每笑似鷹饑
卽今舊雨誰青眼
自古浮雲總白衣
多少故交零落盡
故園何日賦烹微

偕同司程魚門王鎮之馮介亭孟蘭洲王曉荊劉
綱齋盧閩峯方廢堂梁梧岡飲曹長吳樹堂我堂
聖賢畢集我堂東
四面圖書映畫櫺
九月天逢楓葉雨
一時人醉菊花風
主能投轄情何重
官訝恩波迥不同

好與諸公相努力
玉珂及早響瓏璵



童山詩集卷十五

綿州李調元雨村

甲午上

答王梅溪怡問詩

岳巒須如岱江源要倒岷四時春日好萬象夏天新格
調宗唐律杼機採宋人大都先忌俗乃可望清醇

送湯緯堂大業同年之德清

捧檄東南去多君咏白華故鄉饒橘柚新色帶蒹葭吏
散堂前舞農忙陌上車雪溪山水窟合遣付君家

張雲谷同年寄書聯姻

從來四三說張李二姓原宜互結姻竇殺不須圖孔雀
徐陵早決石麒麟地無遠近惟君好天有盈虛恕我貧
若道同心金必斷雷陳方許作朱陳

挽大司寇錢文端公

陳羣

三朝眷遇老成身願養林泉二十春秀水文章名似斗
香山圖畫髮如銀簡濤世掌三公職錢沈齊名兩老人
豈謂忽翔雲外駕傷心驚見卹恩綸
簪纓不少聖明時誰似詞章結主知御製驪珠頰
寄和迎鑾龍舸每教隨自慙才豈籠中物偏許天從
管裏窺我是歐陽最遲弟辦香獨自感恩私

記得嘉禾侍起居趨庭剛是學詩初吟成蠶繭鬚眉喜
引近臯比講論徐一棹鴛湖春載酒幾行鴉帖夜臨書
白從忝竊蘭臺選清夢時猶傍草廬

一別春風不與遊人間無路望仙舟昔蒙國士魯青眼
今作郎官欲白頭篋裏卷餘朱筆抹壁間字尚墨痕留
平生亦有兩州勳不是羊曇淚總流

送晚城司馬錢蕤齋

汝恭

以艱回浙

盧溝橋下送纓衣立馬橋頭涕泗垂身是世家難作吏
人因名士遇偏奇雲高櫪馬猶呼伴風猛林鴉不戀枝
聞道晚城好山水他年與爾結茅茨

送別王梅溪之杭州

見說東南勝西湖我舊過繞山僧寺出傍水酒樓多夜
夜聞絲竹人人總詠歌王喬本仙令定有好詩哦

奉和粵東中丞德定圃座師見寄元韻

登龍魯憶滿京華桃李逢時盡作花孝伯亭亭慙直上
癸未科師充大總裁閱四川卷孔融小小亦通家十年
調首蒙擊賞拔置會試第二人不立門前雪萬里常看海外霞今日讀書似親炙春風
疑不在天涯

自知入室未升堂濟濟容隨吉士行偶借青藜近燈火
公然絳帳聽絲簧郎廳此日偏依鶴學博當年笑擇羊

謝先以國子監學錄釋褐受知故云屈指平生知遇重鳳鳴終自愧朝陽

道德門依 鳳闕問年前入覲暫來還春容近接三臺

象風化遙靖百越蠻蕙苴囊開無別載木棉花發又重

攀珠江可許陪趨步飽看羅浮月一灣

帝谷柱石為寧邊八座文昌 內簡賢人頌恩威恩敢

著羣歸教養教尤先陶延名重溪猿伏韓愈文成海鯉

遷雜俗最憐門下士幾時重入醉翁筵

奉 命典試粵東再登前韻寄呈定圃座師大中

承

南交火位炳文華何意微名署五花 各省試差例由中書票簽請 旨時

五省之命 手執弓旌原爲國心欣衣鉢得傳家三年
同日俱下 坐憶談風月六月行看趁晚霞師友一時皆遇合
恩真是浩無涯

子固文從六一堂當年指示得周行舞來鳴鳳皆諧律
吟出雕蟲似鼓簧天使絳紗仍待馬人傳緩帶實過羊
諸生欲識淵源自濯漢應知並景陽

海山一氣杳茫間萬里迢遙記往還自古文人寧有種
只今 聖化不分蠻後生雨澤恩皆沐前輩風流盡可
攀好向龍門爭鼓浪窮源梯只在河灣

同駕輶車下日邊持衡嶺嶠愧非賢敢云楊炯居王後

正試爲青陽王公懿修常笑劉琨恐祖先驛路公程爭夜趁郵亭
詩興逐時遷囊中各有皇華詠待正吾師璫瑁筵

六月初六日出都是日福建典試編修湯辛齋先

甲同部王曉莊元燮同出都辛齋與春甫同官予
與曉莊同官而皆出庶常故詩中及之

簡書捧到五雲端畧整行裝便跨鞍直省有官同銓鏡
偕行無客不金鑿路從海上分遙近衣在箱中備暑寒
誰解觀星知漢使應言此日發長安

晚次良鄉縣

晚次良鄉縣篝燈隔樹明高城收暝色遠塔忽雷聲里

記七千里程纔第一程炎天雲似火大半總宵征

借王春甫 錄修 過宏恩寺

近京無百里見此大禪林雨過百花放雲蟠萬木深累
羈腰下玉緣淺橐中金空與蘭臺客流連話素心

涿鹿感懷三十韻

積穀為防饑不爾何須穀養兒為防老不爾何必育南
昌昨奏下東粵始輓輓持旌甫出京分道先由涿郵亭
坐淒清往事忽傷觸惜昔癸未春先子領州牧旁午理
羽書艱辛閱案牘旱歉多餽糜訟庭少鞭朴父老起謳
謠上吏爭拭拂時調捷禮闈泥金近報速先子覽之喜

對客笑容謂屈賢良對庶可大吾族既失龍頭選未
畢中秘讀高堂色雖沮婉語暗鞭督口啣雞舌香列宿
亦枚卜豈知事竟謬悲詫走平谷山頽一旦燕廬墓三
年蜀官老唾馮唐臣譏笑方朔出處俱願違升沉付翻
覆冬去冰初解春來草方出恩深懼難付任重矢清肅
世本儒家素報稱或不辱所懷在風樹不免臯魚哭舊
邦一憑軾山河尚如沐頗聞閭里間比戶猶尸祝不敢
詢遺孤恐復數前躅陰陽不相待老少互相逐待得遂
意時先子已瞑目衣錦實夜行此意何人覺皇華不敢
辭雞號聊躡躅坐令一夕中熱淚洗炎酷

新城別湯辛齋

我愛湯夫子風流今尚存功名如鷓退意氣自熊膺誰
念詞臣老偏多 聖主恩最憐程限追不得共清言

傷二僕

此莫非王事賢勞豈汝身如何觸炎熱忽爾化飛鱗衣
被餘空馬棺衾委路人蓋惟無以報一日兩酸辛

詠鼈蝨 過荏平作

人能害物命物亦害人膚暑天生 嚙蟲安睡尤難圖昨
宵更狼狽有物出攫瑜其名爲鼈蝨其臭如鮑魚比蚊
少羽翼方蚤實蠢徒向明盡藏匿乘暗爭來趨滅燈始

覺有以火照復無不惜食人肉但知肥已軀逞他口饕
餮拚作血模糊其走若奔鶩其勢若相屠所恨我身瘠
難供爾輩咀我今已去矣爾復誰傷乎秋風一朝來我
爲爾輩虞

東平州謁東平王墓

漢家宮闕總荒荆一派松楸剩故城千載名言爲善樂
莫將腰腹笑東平

聞朱子穎署東平州滿擬快晤及至則子穎已去
見故人錢塘孝廉申改翁 發 詳來謁始知罷官未
歸留州掌教言相待久之因出子穎所題圖詩以

示遂用其韻託寄子穎

思君如泰山日望山已近誰知山可瞻惟君只許聽初
聞四野歌清廉絕餽贈又聞萬姓留攀轅待月盡由前
我服膺由後我竊幸豈知去已先思君令人病返悔我
來遲未下留行令君畫逼蘇米盈箱縑紙剩君詩隸李
杜狂語多乘輿近聞皆自珍有請色先吝思君欲寄書
揮毫身已困改翁早休官課蒙誦孔聖忽見肩輿來掀
髯劇談論頓覺清風生大暑去酷政聞君素契翁展圖
看益信如何知我來不遣一介命可能贈以言庶以人
為鏡平生知己言尺牘亦難罄縮之短韻中再拜他邦

敬十月嶺南回切毋失後訂

登黃樓用蘇東坡韻簡唐芝田

黃樓十丈聞人說未到彭城戒宵發揭朝雨霽渡河來
先登不復畏泥滑步步纔攀升雲梯飄飄似著凌波鞵
混茫一氣落掌握浩蕩百川恣吸呷我聞樓本霸王廳
始自蘇公改築鋪當時泗水尚安流祭河不須白馬殺
風流太守撫此邦攜妓時來眠古刹一自熙寧十年秋
大決漣淵勢傾軋滄桑變劫那復知此樓想已遭崩壓
至今手蹟絕無存山水猶然見鱗鬣我來喜得賢主人
載酒張燈更烹鴨且聽蜀客述峩眉未許吳人夸茗雪

徐州司馬唐芝田邀王春甫與余遊雲龍山分韻
得龍字

徐州古名勝第一曰雲龍山水平生癖所至輿輒濃使
節雖不遑郵程尚從容便指南山麓一訪蘇老踪所恨
無我輩豫為東道供豈知天假緣唐子防河衝欣然出
白門各以肩輿從入門便清奧花木相輝重烟霞來遠
岫亭臺出高墉叢篁宅幽蝶一一驚人楚珍禽拂帽翥
飛上岩邊松直步黃茅岡草逕何蒙葺石牀大如席仰
卧開心胸試衣復瀟灑四面風淙淙望棋無百步曲折
通房櫳遂躋放鶴亭恍若蓬萊峯黃河一線來濁浪何

洶洶九里山環之相負如駟蛩禾麻滿四澤大野青溶
溶維時天宇曠虞淵方高春披衣一叫嘯響答聲礧礧
鱗甲忽生動萬壑如鐘鏞俯視大九州芥子將無同顧
我二三子胡為我車攻昔賢行樂處草木堪敬恭安得
十日留一洗俗塵封浮萍不易聚處世多惺忪茲遊弗
盡醉來者嗤愚蠢大笑謂唐子惡客毋乃逢借問客為
誰家亦居臨

蘇東坡答王鞏來彭城
詩客惡何如主人惡

放鶴亭

梨棗柴門白晝閑山人放鶴此山間不須更羨張天驥
家有雲龍却未還

望祺亭

望祺亭下斷祺流坡老風流數百秋想見羽衣乘夜月
醉中吹笛上黃樓

隨堤曲

玉蟻金蠶憶繁華錦纜牙檣帝子家殿脚三千宮女盡
隔江無復唱楊花

六月二十四日宿臨淮闕邸報得祝芷塘德麟同

年典試湖北信

人生如馬牛順逆隨風走又如鷄與鵬决起時相鬪我
友祝芷塘廿年膠漆舊同日人紅梨臨文驚宿構當年

翰墨場意頗共馳驟豈意事狼狽龍豬骨生就我既鳳

池奪君方雞林售連年收桃李多於積薪蕙庚寅典劔

南網盡錦江秀兩佐歐陽闈蠶蟻絕外詬而我當此時

待兎方株守今年禮大比名及春官奏 天子臨軒試

席坐孤巖右不使他山琢自貽一字謬次題孟子秦繆

經芷塘指不余以繆穆古通用不肯改生此第一改為第六何期庾嶺南竟漆行人

副五花不判君心知定入殼所惜揚鑣分不得同輻輳

詩名愧盧前加鞭笑祖後昨者臨淮驛風雨非逗遛聞

君有楚命屈指節持又竟夜喜不眠聽盡銅壺漏南荆

實多材鄧林稱最富東粵亦珠藪龍池水方縞君當白

五言詩集卷之五
九
珩鄙我亦合浦
他日共較量
定不差池臭

定遠道中

纔入江南景便賒
人烟簇處路分叉
遠山有影雲方動
流水無聲雨暗加
槐樹陰中卧黃犢
稻花香裏吹青蛙
十年拋擲田園樂
錯認今朝是到家

店埠食藕戲王春甫

炎天六月火雲蒸
大華峯頭未可登
風味可人何必藕
先生本是一條冰

桐城道中

南邦山水首龍舒
疊翠浮青百里餘
雲密不知溪路仄

山鷄飛過小籃輿

清狂安得米翁顛
來寫峯頭淡淡烟
好箇人家聚山崑
一灣流水一灣田

北峽關和大司寇錢香樹先生題壁韻

夜發龍舒道馬上一無觀
不知入山深但覺雲左右
曠來亂峯出巖壑爭叠皺
風從兩腋生雨似隨手覆
何處輓雷聲溪與石奔鬪
奇如登劍門高不數靈鷲
谷山無斧斤老木盡堅瘦
上有萬歲藤纏絡入其勝
當年我師帷詩題駐節後
驚蛇落壁間紗幘護雙埃
平生知己淚讀罷放聲又
夙忝置藥籠踟躕在鳳囿
今亦持節來不

見泰山壽猶憶昔時言爾是峨眉秀

過潛山春甫自以入青陽故鄉境讓余先行

柳堤莎徑馬蹄遲竹遶人家權遠籬秧綠無邊田穠極
松青不斷嶺屢屨崑山似展倪迂畫潛水慙無許渾詩
安得與君連轡語蕉衫筠笠燕鞭絲

至潛山縣縣令光齋兄載陽來見

梅山初至使車安况復鄉情觸萬端水亦如人清到底
山能迎客笑相看日斜茅舍歸豚豎雨過萍池放鴨欄
到處風光全似蜀羨兄只作蜀中官

東林寺和錢香樹次吳眉菴少司馬壁間韻

路過淦城別有天匡廬山色望中懸客來千里始逢寺

僧倚雙松方聽泉往日風流傳白社近來雲散憶青蓮

廿年多少傷心事盡在金陀絳帳前先生府第在秀水金陀坊

宿三笑堂和德定圃座師韻

萬籟笙竽響一林虎溪勝蹟此初尋雲昏西澗鐘方動
日下東山殿早陰天下難逢開笑口人間莫逆是知心
影堂千載留真契試問如何師誼深

謁南唐後主祠

遺甃風前墮空山雨外斜可憐青草裏猶放麝囊花

陶靖節先生故里

千載柴桑地今爲栗里庄宅邊仍柳綠籬下少花黃身
作羲皇卧心多晉宋傷世無陶靖節不必有詩章

喚渡亭 建昌縣

元和遷客此題詩山谷名亭卽以之欲問青山誰句好
草風莎雨喚船時

建昌館中懷新建李琪園 鐸 同年

我輩同登第譬撒一畝菽根荻旣孰種雨露滋長育肥
瘠以地殊榮枯因材篤得時勃然興枝葉何或或位置
或失所甲折纜拳縮有幸有不幸要歸運與福君看同
科人盡占膏梁沃幾人登金鑿幾人擁大纛而惟我與

爾駃駒共蹉跎當年三百人子齒粲如玉眼若巖下電
詩似筍初束阿兄強其間豪氣頗不俗奈何互升沉依
然舊面目競秀十年餘都似苗初茁不秀有以夫不實
未敢卜君爲西昌宰道里分水陸我馳南越車不得共
膝促君不以价來我反以書督聞君頗耽酒一醒清案
牘又聞食肉多輪困大腰腹得無驥未展聊息櫪下足
又如鵬未搏枳棘姑雌伏要之皆美種俱是易生物長
養自有期栽培待時出切無助苗長當謀先稗熟

烏石鎮 在德化縣十里

蒼松怪栢出嶙峋烏石禪堂暫駐輪絕似嘉陵江上路

童山詩集 卷十五

淡烟微雨送行人

德化道中

禾苗處處望雲霞
火急村農踏水車
却是閒花無用雨
山山開遍紫薇花

甘露菴看竹

拄杖敲門興忽濃
寺前修竹白雲封
何方乞得湖州筆
烟節雲幢寫萬重

七夕

得銀字在德化縣作

七夕雙星駕彩輪
天河浩渺正如銀
漫言烏鵲頭先禿
幾見填橋會渡人

瑞州太守佟濟蒼招遊署中碧落山

萬象掌中落來登
最上臺水蟠蛟作穴山
逐鳳飛迴待月軒
何在凌雲閣未開
煙霞誰作主特訪任持來

臨江公館戲王春甫

馬嘶來郭外烏語
林間細聽柔聲滑
知爲媚骨嫵山遙
眉似黛家遠目如鰥
却笑青陽老無端
放白鷗

峽江縣

縣小纔如斗洲多步
可砥大都山似蜀
故以峽名江雨笠
歸健一風習擲鯉
雙當年涪萬泊淚
墮聽猿牕

仁和鎮避雨夜宿廣濟寺壁上見張度西九鏡詩

童山詩集

卷十五

因和其韻

雲黑如磐壓風聲刮樹過江鳴知雨近村暝覺燈多屏
小纜客膝杯乾不稱醅誰題蕭寺壁室邇自婆婆

吉水縣

字江日日寫清暉細雨濛濛濕袷衣忽有漁翁來撒網
一羣白鷺掠江飛

吉安太守盧介軒

崧

招遊白鷺洲書院時方落成

爲題一律示諸生從介軒所請也

白鷺飛翬講院崇輜軒暫過此觀風一林蕉雨侵窓綠
四面書燈映水紅在昔文人鍾宋瑞於今太守得文翁

諸生幸際菁莪化休讓當年甲第雄

南康懷吏部盧閩峯

鎮苑

孤峯高插天雲表稱獨秀我友鍾其間秀更得大投筆
倒三峽源胸羅五車富喙硬眼無人獨我同味臭君家
十八灘我行三秋後過君父母邦不見令人瘦惟見獨
秀峯如君在左右

過大庾嶺

雄關百丈鬱嵯峨恰趁探梅到綠蘿百級登來蛇倒退
一峯高處雁難過雲霾荒壘傳蕭勃日落殘山弔尉陀
遠望珠江猶隔水星槎何日達秋河

梅關

和德定國座師題壁韻二首

縈回路入嶺峯巔望見蒼茫嶺外天海水遠浮鰲背外
粵山爭赴馬蹄前梅銷姓著強秦日楊僕功成下越年
回首淒涼思往事惟餘曉月挂寒煙

秋風吹我上峯巔直探鴻濛手握天松杪人行雲氣外
梅花僧度月光前紗籠句好留今日絳帳傳經憶昔年
欲問曲江誰可繼試看百越靖蠻烟

保昌登舟

方愁險仄度梅關又喜偏川到越蠻分付篙工休着力
老夫借此要看山

凌江行

我來雄州髀無肉解鞍江滸身始暢飲仁亭子凌江滸
門前兩兩舟橫放今年七月苦無雨蛟螭不遣秋潦漲
鑿鑿白石淺淺沙水勢欲下舟欲上篙師叫絕雙鳧飛
雖非陸地如鼻盪縣官坐衙集龍戶送舟南行悉丁壯
一一赤脚立灘中令嚴那顧魚腹葬嗟爾小黎無過憂
我雖使臣不鞭杖飽聞茲山有洪崖爲我歷歷指青嶂

嶺南舟行雜詩十首

自北邊來南越鄉語音先異况村庄使舟日日瀆江曲
半靠人家牡蠣牆

童山詩集

卷十五

七

重重浦樹望中迷
長立船頭到日西
一抹蠻烟橫兩岸
榕陰深處鷓鴣啼
碧波漾漾走銀沙
簫笠長年各有家
少婦舵樓金齒展
鬢邊斜插素馨花
怪道襄簾蝴蝶入
舟中
瓶有佛桑然翻嫌未是春
三月不見花開到木棉
每逢灘急下深沱
七尺烏篷快似梭
昨夜修仁渡頭泊
鄰船時送摸魚歌
五里隻墩十里雙
銅鈺聲應落船窻
蠻童不識官人至
短笛烏犍白度厝

佛幢高挂半南方
恰值艤舟挂夕陽
何處叢祠方禱雨
香亭珠子結桃榔
舟中無事獨逍遙
淺酌醵躡越酒瓢
忽起捲簾得佳致
紅牆菴外露紅蕉
權郎黔面亦堪憐
撐盡筠筒袒兩肩
攬鼓乾魚兼水飯
生來不識有炎天
浪江水與墨江通
始覺波濤漸漸洪
忽向蠻荒懷太古
鼻天城在亂雲中

挂榜山

雲漢天梯近可攀
迢迢驛路下韶關
使臣素凜求賢意

此日驚心挂榜山

韶州望韶石

肯讀誠齋詩縷述韶石異琴瑟倚天半未信有此事今
過曲江止放覽得恣肆始知化工奇楊墨猶未備晨曦
啟孤蓬巨石當頭墜嶮嶮走橫江小舟宛轉避雙闕與
鳳閣毬門左右置或巋如柱立或橫若複隧圓笑廩輪
因削啗齶瓜遺翹翹航首尾尚缺帆檣植廣厦千百間
屏牆萬夫庇挺特如勇戰斜欹似人醉詭怪難殫名窮
詰恐墨費傳聞帝南巡九成奏茲地后夔已荒遠誰與
辨真偽不如問蒼冥寃此鐫刻秘江山助詩力或有知

音值重華事有無且付稗官志

彈子磯

自人韶山來巖巒益奇秀神禹力不到天工自結構彈
子非彈丸尖峯半削就上摩蒼穹蟠海日褰鵬啣潭深
入地府萬丈不可透饑蛟尾不掉勢已風雨驟石洞誰
雕鏤鬼斧巧琢鏤欲過退飛鷁爭上撲猿狖不知何代
仙時或見暗畫其他蚺蠃穴年深難考寃不逢張端公
圖經何從覩扁郎報水程鳩舌一笑又

觀音巖

我行七月杪歎歎日增熱及至觀音巖秋氣生凜冽訝

岬天削成臨江驚斗絕水府蟠天根古洞穿巒嶮凌空
陟鈎梯千仞捫積鐵火鈴照幽邃魍魎皆走滅蝙蝠老
成精見人飛一瞥鍾乳倒垂崖萬古所融結俯欄生恂
愁唾咳落霜雪明燈照佛龕苔痕剝古碣清景不可留
倉遽與僧別雲霧忽開霽歸舟始見日

涇陽峽

舟下蛾眉岡望見涇陽峽峽長二十里潭潭峭石插壁
立幾千仞巖壑爭傾壓兩峯摩蒼蒼白日忽在匣束湍
偪仄處蜿蜒一航恰下有蛟龍爭磨牙俟呀呷踟躕過
盤渦始覺坤維狹急水散鳧鷖深草叫鴨鷓看盡山山

雲如雨纔一霎牯牛灘已過意適未敢狎篙師問泊處
待我熟羊脾

香爐峽

何年香爐峽亦擅匡廬名秀色不待削乃若天生成峯
巒似螺髻窈窕如皇英又如青佛頭下俯玻璃清林深
不見寺時有鐘磬鳴天風吹松杉江空遠聞聲灘船銜
尾上挽緯互喧爭人如沙上鳥一點頭行而我獨遲
留但愛山崢嶸顧謂航舟子灘淺卽停旌

大廟峽

粵東山水奇每出意料連朝已臻絕茲復得大廟橫

童山詩集卷十五
江截一峯巧奪神工造竟不受寸膚直以骨力傲刻鏤
非人爲瘦削乃逼肖直插萬丈潭不知深所到壁鏘老
黃楊何年栽石隩其根膠漆固虬結久不燥下有朱碧
門靈祠口灑掃傳聞虞夫人唐時初得道生扼黃巢鋒
歿制峒寇暴有功登祀典宜膺血食報我來薦溪毛靈
旗若見告順風送五羊免汝篙師叫

中宿峽

南風阻我舟今日風忽止清晨入中宿聽我櫓聲喜雙
崖信曲折浦樹益嘉美回首見人家半在修竹裏夕陽
下石壁窅窅炊烟起沙邊持竿翁舟如一葉耳得魚就

我賣此意未可鄙白鷺不上灘飛還知倦矣巖影倒江
中我亦傍村艤忽聞欸乃聲山青乃如此

英德道中

不知南國異初值北人過瀨水舟前合英山枕上多問
程逢蠻語近市起蠻歌昨夜蕭蕭雨鄉思竟若何

清遠道中

桃榔遙浦暗葦撥近村稀海怪迎潮上蠻禽貼水飛濛
濛雲在樹颯颯雨侵衣無限遲留意遙帆出翠微
清遠峽

日日看山行山亦日日變就中數清遠造物工鍛鍊危

崖勢欲合巨靈擘兩片鑿開混沌天中通江一線泉多
伏莽飛石半臨江斷雲截峯腰齊雨洗巖容換木客解
吟詩楓人盡目悍樹根長於蛇入壁忽不見但聞隔澗
中時有猿相喚所見旋卽忘究竟空健美不如坐孤舟
讀盡書一卷

遊峽山飛來寺

有峯懸半天直疑不在地傳云是飛來如何帶有寺後
人好荒怪殿宇自安置我來步屣顏攝衣減從吏青葱
帝子祠荔奴蔭深遠詰曲扶杖登十步或一憩太空飛
霰雪噴簿出巖際松風四山下草木盡蒼鬱壽藤不知

年脚底爭纏系榕陰五色鳥亂飛時落毳梵唄出高巔
登眺氣益銳老僧知我疲邀坐供山荔回頭笑相語又
破十方費

飛來寺題飛泉亭示懷遠長老四首

老僧借我古藤杖上到雲峯最上巔檢箇石頭松下坐
滿身衣濕看飛泉
疊翠浮青石壁橫竒花異果半無名山童白日偷龍目
見客扳枝下不成
凝碧灣頭水不流懸崖老木幾千秋蟠根盡作蛟螭瘦
踏破芒鞋始上舟

忽聽深林叫杜鵑
遙山暝色促歸船
他生行脚緣終在
每一峯頭任一年

半山亭

烟鬟霧鬢出青真
竹筧飛泉下翠屏
雲確松門今已杳
夕陽猶戀半山亭

清遠晚泊與春甫聯句六首

清遠江邊暫艤舟
春石尤風起不須愁
柳客程已過飛
來寺甫從此平川到廣州甫

奚僮小立聽敲詩
春但少笙歌把酒卮
甫買得異花香
滿座甫夜燈風颭對談時甫

隔岸紅旗兩路分
春護船都用水犀軍
甫行期欲待秋

江月甫刁斗無聲壓黑雲甫

蠻曲無腔信口歌
甫琵琶秋怨別離多
甫雖然不是江

州白甫風雨魂銷奈若何甫

櫓聲伊軋又移灘
甫宿鷺驚飛響羽翰
甫何處酒樓人

對語甫一江燈影動闌干甫

嶺南氣候總殊常
甫細葛秋來未覺涼
甫撐起蓬窻天

在水甫龍宮月色湧珠光甫

三水縣

海南將近一航輕
樹裏雲天望眼明
萬壑雨餘秋漲下

三江月落晚潮生風多鶯鴨依均聚夜靜鼉鼉應鼓鳴
白塔岡前人獨立看他波浪幾時平

與春甫分賦南方草木狀二十首

何意親來比目旁峽山寺裏味初嘗老僧指點秋風子
中有仙人白玉漿龍眼

掛綠凝冰種最嘉丹山真有鳳九家水晶日日輕紅擘
不合深山餌月華荔枝

聞道雌雄必對栽名高味諫美於回紅鹽幾日紛紛落
早有蠻童喚賣來橄欖

南天客果禮尤需葉少灰多味勝無我愛唇紅嘗一顆

頰潮已覺汗如珠檳榔

三斂五稜青各各問名都自大洋來細將白蜜恣收取
為是新從瘴地迴羊桃

蓬蓬風旋望洋迷有客兼金海上攜蜜望望花人望果
不如望米賤如泥蜜望

露垂菡萏花心卷風擺珠砂葉裏香聞道折腰娘子好
倩人為覓一梳黃甘蔗

虞翻宅裏起秋風翠葉玲瓏剪未工錯認如花枝上艷
不知莢子綴猩紅荔枝

美不待儀能自釀銀桃艷玉漿涼從今更欲生新法

萬龕將心作酒孃 椰子

智藥訶林種有年根鬚已老葉垂鮮他時歸篔簹應誇富

帶得生綃萬片烟 善提

日落扶桑葉盡遮無端天半見朱霞蠻娘髻上枝何艷

笑殺西川木槿花 佛桑

箭幹梢頭葉子肥深深紺色似蕉非喚他鐵樹無人信

剛介從來識者稀 朱蕉

櫻欄細認總難同糝糝鬚搖馬尾風摘得青珠充麩食

麥秋何必俟年豐 枕柳

彷彿身來釋子家夢中鼻觀鉢曇花曉來初削刀生果

始悟星槎到海涯 波羅蜜

枝枝繁縷綴玲瓏落地猶為耀日紅借得藏經猶未寫

暫留數葉笑春風 貝多羅

縈絲繞髻人人艷結縷穿燈處處忙十里珠江香不斷

可憐一半上紅粧 素馨

夫婦相須義亦佳粵人聘果各村皆寄郎勿棄相思葉

方勝當年出妾懷 蔓葉

凌波微步想依稀姑射仙人偶夜歸想是纖纖渾忘扣

秋風吹落五銖衣 金鈕子

芳華故苑碧無邊想見青葱百畝連勸爾蔬人勤種蕪

縱令旱不到浮田

丰角稜稜張一軍還看赤壁火如焚小兒作崇渾間事
畢竟收功讓使君使君子

將至廣州復叠前韻呈德定圃座師

簡書一自捧皇華看到梅關嶺上花 帝闕天遙方定
館師門日近似還家衣餘剩雁峯頭雨舟帶羚羊峽口
霞鐵網珊瑚知不遠珠江只隔水之涯
待刪詩篋未登堂舟裏烏絲細作行書愧龍蛇蟠若篆
聲慚蚯蚓窠如簧從來易變非凡鯉自笑難鞭是後羊
欲識王通傳道遠祇慙高業繼汾陽

自是清風兩袖間官廉都見蚌來還波濤此日吞三水

瘴滿年來靖百蠻沆瀣一家同典舉時師為監臨梧桐百尺

獨追攀夜來檠戟思華榻清夢先榮夜雨灣

見說珍英萃海邊掄才大典此求賢私情縷縷陳猶後

公謁堂堂禮敢先例以八月初六日齊集中丞署中坐在監臨上星近斗牛槎


已到風高蛟穴艇頻遷白袍門外方如鶴看菊欣知近

几筵

戲懷遠長老 用壁間陳太守淮韻

欲訪靈跡遲未開躊躇還下讀書臺老僧不用愁空寂

雲裏仙猿定夜來



童山詩集卷十六

綿州李調元雨村

甲午下

淘鵝謠并序

淘鵝其大如鵝能沉水取魚頭下有皮袋嘗盛
 水二升許以養魚每淘河一次可充數日之食
 亦呼水流鵝漁童謠云水流鵝莫淘河我魚少
 爾魚多操弓欲射汝奈汝會逃何嫌其詞俚不
 足以風故為易之

淘鵝淘鵝汝勿淘河我淘魚少汝淘魚多汝用皮袋我



用網羅網羅魚可漏皮袋魚難過可漏魚尚可難過魚
奈何一枝竹弓一枝枉矢射殺淘鵝淘河應止

花燕并序

粵城西南每夜有紫燕數萬巢荷花中謂之花
燕花盡猶不去

花燕花燕汝胡卑不入百姓之家高不入烏衣之園就
令朱門不可常巢於幕上爾亦得胡爲荷花深處藏貪
花不解時炎涼一朝秋露紅衣落看爾雙飛何處著

青雛引并序

青雛狀如鴿青色喜食橄欖馴者囹圄吞之肉

爛乃世其核宿則倒懸一足樹杪可弋得之亦
有生於檳榔林者故山歌云寧食我橄欖莫食
我檳榔其詞頗近樂府爲足成之

青雛何處來食我橄欖肉飽則吐其核宿則懸其足
寧食我橄欖莫食我檳榔橄欖留與客檳榔留與郎

採珠曲

合浦遠洋皆蟻窟朝夕珠光孕明月每年秋夕曬珠時
半天閃爍紅霞發珠有盈虛採戶知春來先賽白龍池
目眩金銀島邊樹手拂珊瑚石上枝海底螺筐何處採
藤條絲兼人髮纜翻濤慣與惡龍爭入窟寧辭巨魚啖

可憐性命繫縋繩得珠多寡仍無憑
摘來驪頰兩三顆
盡出鯨波幾萬層古時買珠賤如米
今時珠貴乃無底
天生長養須待時安得年年事淘洗
當今聖王不寶珠
屢却殊方貢獻圖但願法廉俱仰體
神物不徒留海隅

沓潮歌

沓潮來沓潮去來如乘風去如雨
與郎朝暮同沓潮不知郎船在何處
虎頭門外波滢滢羊城門內信沉沉
春汎冬汎尚有定惟有郎心無定心
郎心不似潮儂心與潮赴與郎今往來
但以潮爲度

浪花歌

搖槳過郎船滴水上郎身語郎勿相怪
水是郎媒人

蕉布行

有客贈我布一筒光如漚麻色如棕
霏如蟬翼微烟罩細比蠶絲薄霧籠
廣州女兒蕉作布拔釵先買芭蕉樹
穿來不見玉梭投挑去惟將金鍼度
可憐手爪世間稀終歲成疋不下機
餘紅猶作龍鬚席外處多傳蝶繭衣
嗟爾小民錐刀末官廉豈有豪強奪
自笑南來亦欠廉公然也受一端葛

廣州詠古四首

童山詩集

卷十六

越王宮殿半摧殘
甘菊芙蓉色尚丹
歌舞岡前當日盛
三千繡面聽呼鑾

詞林城內古浮屠
智藥菩提好在無
一片虞園荒草合
牛羊暮上尉陀都

芳華故苑倚斜暉
樹上鴛鴦不復聞
惟有素馨花未變
至今開遍美人墳

無人更舉鰲頭會
乞得萸蒲手自栽
北望白雲山不斷
更無仙跨五羊來

南海竹枝詞十首

南越炎方帶濕潮
沁心日日食甘蕉
堦前龍眼誰遺核

過雨旋看長小苗

自是繁華地不同
魚鱗萬戶海城中
人家盡畜珊瑚鳥
高挂闌干碧玉籠

人魚遇舶浪如雷
風雨無端霧不開
往往近城人共語
昨宵海怪上潮來

白杭香氣滿磁甃
斲斷靈芝手作羹
聞道家逢社日
更將南燭煮青精

廣州夫娘高髻粧
不戴素馨必瑞香
濕客織織紅指甲
方洋帕獻檳榔

有夫之婦曰夫娘

櫻桃黃頰鮓尤美
刮鑊鳴時雪片輕
每到九江潮落後

南人頓頓食魚生

誰家心抱喜筵開迎得花公結絲來不識蛋歌定誰勝

隔簾催喚打糖梅

水乾水大水中居處處頭公兩婦夫見說一生舟裏活

尿哥背上背壺蘆

奇珍大半出西洋番船歸時亦置裝新出武彘茶百餅

花邊錢滿十三行

樞收帆舉白龍洋拾得真珠不滿筐八月蓼花紅滿岸

定知今歲得明瑞

閩中和雷州司馬許石蘭韻

自古知人則哲難休夸綵筆昔曾干五花繡就持鴛看
九曲穿來作蟻觀雷奮龍門抽玉筍月明蚌腹孕珠官
自漸此調不彈久恐有徽桐爨下殘

和龍門趙雪樵仍用前韻

嶺南叱馭不辭難忝作輪軒孰敢干風雨一天城郭動

是文人本分官今日菜根聊忍齧餘辛還有搗椒殘

連山李雲圃見和前韻再答

棘院秋炎欲避難樹陰多處倚闌干脫錐猶未囊中見
立幟還同壁上觀陸氏門生新試士歐公詩友老都官

童山詩集卷十六
五
從前佳話非難繼，惟校休辭滴漏殘。

監試澳門司馬宋天波有詩再用前韻

鎖院清嚴得友難，豈知老宿有方干。地來海表望洋歎，天共闌中坐井觀。我愧歐梅同試席，君當屈宋作衙官。行詩束筍都無味，滿案聊供噴飯殘。

和雷州司馬許石蘭題余華陰道詩韻

我昔騎驢華陰道，時十二月冰初冽。醉中戲作華山詩，白日蛟螭舞飛雪。當時意氣頗無人，振鷺自愛毛衣潔。君從何處得見來，往往舉誦佐杯啜。氣味有如石投水，道同又似車合轍。今年持節來海南，佐我玉尺皆賢哲。

新詩如湧錢塘潮，知我淵源來自浙。就中趙子和尤勇，破費素頭烏玉玦。天教同事豈非緣，桂香滿望中秋月。相勉五色母目迷，莫使秋蟲苦幽咽。

監臨大中丞定圃座師賜杏酪分送各房諸君同餉仍用石蘭元韻奉謝

今晨閨人捧銀瓶，驚見玉膏澄液冽。云是中丞之所賜，傾來一椀胭脂雪。皎皎冰壺照座寒，垂垂鍾乳融盃潔。盥手再拜飽且慚，佳味何忍獨飲啜。監河原未乏升斗，鮒魚何至呼涸轍。况叨吾師厚惠，願不有新詩豈曰哲。憶昔先君三入簾，困得鸞鳳皆兩浙。先君三校浙闈如李祖惠馮重華陸

燎王世維陳壙汪治皆名士其時賤子尚趨庭未得功名試璫玦以此心凜黃髮式敢忘人在天香月勸君細細酌融霞絕勝粗糲喫兼咽

龍門趙雪樵仍用前韻有我未得見華陰詩聞似

春篤酒清冽因並錄前詩相示

從來嗜好各酸醎蘭麝太芬桂太冽天台但賞赤城霞蜀人競說峨眉雪君欲知我華山詩大似西子蒙不潔可憐向拘官家例不得朗吟恣嚼噉向例關中閱卷未畢不得立相遊請胥抄恨無薛濤牋錄送尚憶秦關轍聚奎堂上人如雲謂我詩好似前哲君有西鄰謬見推一覽乃知誰在浙

易二房許君司馬石蘭杭州人簪纓詞藻並精麗雕琢瓊瑤聯寶玦君詩快於蟾蜍奔我詩似竊嫦娥月夜闌不寐鐘自鳴已聽銅壺四更咽

謝中丞座師送羊桃

餽饗未備事原輕乳餅頻叨座主情造自畢羅原各姓儉傳僕射早聞名桃花樣自中厨出菰葉珍從內使擎要問諸人誰最飽就中屬鑿老門生

謝中丞座師送羊桃

果自西洋至名桃以類求五稜形總肖三歛性能收瘴雨枝枝飽蠻烟顆顆浮似梭殊碧玉如蠟比黃流來傍

春風座剛逢夜月遊嗜同羊棗癖情異木瓜投半佐青
蔬飯全輸白蜜羞荒莊還自愧飽食負恩優

趙雪樵有詩謝酒再用前韻

朶頤我亦餒糟難微祿何曾學作干科第由來天上定
人材須向卷中觀逢杯便似逢佳友得卷真如得美官
莫怪羽觴飛尚緩披沙剛是揀金殘

草榜初成觀封落卷箱有感而作示同事諸君

聚奎堂內卷初封共喜論文久靖共雞肋棄餘猶有味
驪珠探盡恐難逢從來撈月空盈手大抵奇雲必盪胸
寄語諸公再披揀此中恐有暴腮龍

光孝寺南漢劉鋹鐵塔歌并序

塔上文云大漢皇帝以大寶十年丁卯歲勅有
司用烏金鑄造千佛寶塔一所七層高二丈二
尺以四月乾德節設齋慶讚謹記余覽之爲作
歌

有客招余入光孝爲余指示金塗塔我疑此塔年與漢
僭同云是五季劉鋹年間物其級七層高二丈四面捧
出如來相各方鑄列僞臣名紫金魚袋紛相向當日中
原風塵起粵南兔絲作天子玉堂珠殿坐蛟屨白晝呷
人以爲喜慙瘵無知壽雋愍手足屠盡猶貪婪就中別

創宮人法腐而後用真竒談菌坐宮中石仆地獸觸寢
門真怪異奸忠不辨誰敢言禍福無憑盡祥瑞寶光流
帳紫霞裾求仙求佛皈樊胡菩提貝葉日講讀刀山劍
樹仍屠誅其時浮屠造何日鑄成知費幾州鐵一朝浮
海稻田來不救龍頭三廟滅暮暮朝朝內太師羅浮劍
篆早先知不見相輪苔剥落但聽人歌吞骨酷

菩提樹歌

給孤獨園菩提樹訶林初值蕭梁年知藥攜來自西竺
歲久合抱凌炎天枝幹糾纏鬚倒墜虬螭一一盤主地
雨露時滋鱗甲生雷霆日索魑魅避可憐嫩葉如桑條

五月初生二月凋浸去渣融比蟬翅剪來絲細薄鮫綃
我來樹下觀不足僧伽袖中出二束贈緜比似人情重
鈔書正欲蠅頭錄日落不落風聲繁蘋婆蒲葵相翻翻
命駕急歸歸已遠童顛猶望虞翻園

渡珠江大風雨

三聲礮車作萬里使人回是日風何驟連天雨不開馬
人歸鳥去龍戶探蠔來爲謝羊城吏唯叨水一杯

佛山舟中贈劉約齋

多技如若罕蠻方共識名堪與師郭璞卜筮友君平交
與年俱老詩隨酒便成請看篋中集愧殺宿儒生

三水縣送王春甫懿修赴廣西提學之任二首

喜看西粵轉輪軒 勅命遙頒自禁垣
梅嶺已陪韓吏部 桂林又送柳宗元
同舟共濟難分手 異道揚鑣欲贈言

言自古人才無論地 相期培養在根原
同作南交二使臣 同胞難及此情親
無分主僕心皆契 有介嫌疑話必伸

今日胥江帆獨往 何時燕市酒偕巡
知君別我應惆悵 夜泊仙舟少一鄰

重過飛來寺訪懷遠長老飯罷留詩志別六首

平生酷有遊山癖 重到飛來勇自登山鳥
要知來客意 白雲深處訪高僧

高僧迎見意欣然 引上危樓話夙緣
苦道卧仙巖上好 手扶壽木引飛泉

飛泉百丈下高岑 屏立森森樹木深
笑語老僧耐幽獨 潺溪夜夜有鳴琴

鳴琴非水亦非山 尚許閑人共往還
半日清音樓上話 不知天上是人間

人間泥瓜似飛鴻 日日紅塵西復東
我是前生老雲衲 見山便欲住山中

山中清景苦難留 秀色憑將筆底收
飯罷伊蒲欲歸去 白雲相憶兩悠悠

望英州南山

我向英州來忽見潑墨畫
踰糜傾萬斛濃淡供揮灑
模糊山椒利迤邐丁畔解
如龍睛方點似虎踞可戒
或貌僧禿髮或如人跪拜
其巔更精絕如與美人對
螺黛掃初成半月乍吐
臍遠望固未實舟近吁乃
怪頑然一石峯始知非藻
績造物工鐫削雲氣又霏
霽安得大米筆寫此形面
背

龍頭影

好山亦多名未見錫以影
况聞龍頭上尺木形鯁鯁
有之則飛天豈戀水清冷
如何滇江邊惡狀怒相曠
或疑

夏劉累潛海所遺鞭又疑
朱偁漫伎成於此逞不然
今年秋龍門爭脫穎魚躍
不得登曝腮恨未屏由前
猶未詳後說我當省岸石
何猗猗宛轉側小艇垂胡
不可攀怒目光罔罔我從
額下過探珠恐其醒不如
且放舟北風來正猛

晚行曲江道中二首

秋浪一江急風帆半日懸
波中先見塔城外盡臨川
點點巖邊火依依野際烟
心如南去水却坐北歸船
暝色四邊至遙村一望銜
嶺頭雖有驛江面不容帆
石蟹全登岸珍禽半入巖
夜來騷屑甚寒氣入涼衫

舟中晚興

漫說心如箭其如棹泊遲人喧上灘處鷗避下帆時路
轉山猶見鐘鳴寺始知回頭語黃帽此地正宜詩

韶州登九成臺

掘衣直上九成臺浪簇魚鱗脚下開萬里蒼梧雲不斷
兩江白浪雨飛來重華舊轍今安在仙樂遺音昔已灰
空有坡翁銘石在壁間剝落半生苔

雄州晤張度西明府留飲觀劇作歌

憶昔論交金臺中一時詩酒皆英雄興酣拔劍各起舞
顛狂往往驚羣公當時意氣不輕許餘子碌碌非吾侶

可憐萬事竟無成白髮而今吾與汝君向青真翅偶垂
我雖得意旋乖違彼此無能更相笑十年不調同嘲譏
今年奉命過梅嶺行李往還擾君境萬里南來遇故
人此行細想真微倖穉穉堂上聞雲和銅龍照吸金叵
羅相逢百斗不成醉人間離別何其多君方在南我歸
北均如繫匏不堪食殷勤相屬惟一言揚帆此去看風
色

登八境臺用東坡韻八首呈虔州吳翥堂太守

城頭縹緲一飛樓暇日登臨散百憂八境清平渾無事
廉泉今復見吳侯

星輶初自粵中還江上秋風剪剪寒此日登臨心轉急
遙看直北是長安
鯉魚浪起雪成堆烟樹溟濛黯不開惟有白雲知我意
崆峒山外忽飛來
菊花夜飲宿醒醒凌曉來觀銀界明章貢合流成顛字
只應喚作字江亭
苾芻迎謁豈知禪一盞孤燈對佛然玉帶山門非敢吝
風流不占大蘇先
七閩五嶺在樓中四望全消霧靄濛連日北風何太猛
順流今看一帆東

孤城折處好爲臺斬草鳩工迳始開
又得月中披鶴氅
乘風直可到蓬萊
人煙點點亂參差不上樓頭那得知
菴戶魚鱗足安阜
他年聊備采風詩

楊梅磯夜泊步月

使程貪利涉夜泊抵楊梅沙淨月爭明
船輕風讓回攤
錢齋旅聚投火酒人來不寐情
何限灘聲總似雷

過十八灘作

艤舟儲潭下榜人各相語
此去十八灘計里不四五
上有廣濟祠靈感動行旅聞之齋
且沐浴以毛奠清醑歸舟

旂脚轉未敢久延佇開挖捷如箭聲加四山雨怪石布
 成林鐔鏗拚作伍疾雷殷地來雪山擎竿觀孽龍深瀕
 洞潛蛟肆吞吐而我過其間畧不費一櫓大哉神之功
 不讓古帝禹人來不
 顛石三百里一一水中走輪困類千屈廉隅如兩剖繚
 若篆籀巧拙似筍蕨秀纍纍覆盆巽細細排瓦缶局殘
 碁未捨宴罷翕待帝造化真兒戲搏擊與水鬪回觀兩
 山巔一石翻無有安得借巨靈剗却此培塿行舟穩挂
 帆不受驚湍吼灘師聞此言愀面屢埵手苟無險可據
 何以覓升斗

十月初十日底萬安縣同年沈甘塘亦於是日

到任奉贈

一葦初杭十八灘故交聞道是新官昔年附驥心猶慊
 今日登龍興倍歡山水正宜君作主雨風偏與我為難
 不才妄欲言為贈萬事心安是萬安

題元立庭克中滇南立馬千山圖

我聞滇南山水天下雄一一蜿蜒如蟠龍就中碧雞最
 聳拔玻璃倒影昆明中黠蒼葢嶮飛天外亘三百里皆
 奇峯釋迦卓錫香岩表畫屏削出青芙蓉更聞撫仙湖
 畔岡千仞金蓮玉筍穿玲瓏波光樹影嵐霧裡古藤纏

葛昏蒼穹其他蘭津烟蘿不勝數武陵路絕無人通不
知我公立馬在何處但見萬壑雲氣相溟濛鎖橋啣斷
蛟螭口日月不到巖西東公獨一鞭麾絕壁飄飄衣袂
凌天風雪花如掌馬頭落森森綠嶂開啼猿問公爾時
何其勇要觀溟海扶瞳矐遙知去天只一握手摘星辰
吞長虹故今吐出錦繡段仙氣直達萊宮讀公詩句
見公畫乃知奇人必有奇地逢恨不當時共追逐生兩
羽翼隨羣童至今漁樵尚稱說昔日來遊者今日廬陵
公

題朱海客携琴圖二絕句

蕉衫芒屨髮如絲想見科頭嘯傲時莫道相逢不相識
昨宵曾讀此翁詩海客先以詩集見投
昔人五柳今三柳總是一般高士心更請畫師添箇石
坐予溪畔聽彈琴

臨江江上短歌四首

與張度西九鉞同作

青山迤邐秋蕭颯四壁楓林作頰色斜陽欲下不下來
野風吹墮棠梨赤周郎遺跡蔓草橫鐵池錯落土花生
沉沙斷戟英雄恨付與歸鴉三兩聲
老魚啣尾沉江澚小魚濺濺浮淺渚何處伊鴉柔艫來
萬點鳧鷖散寒雨三三兩兩艇相逐夜泊蘆花然苦竹

一聲欸乃四天空片月浮江遠峯綠

長風夜吹青玉裂五嶺梅花瀉香雪壁嵌空天鳥雀巢

潭沉斜日龜鼉宅白雲蓬蓬不作雨碣岸春濤靜吞吐

誰歌水調櫓飛來剪破練江水一縷

長江江水平如砥江上長林低映水花村板屋一千家

盡在參差素烟裏蒲帆裊裊濕雲白玉筍東峯鐘響隔

三洲杳靄何處尋浦外鷓鴣愁遠客

過虎溪

漸失水潺湲松風又一灣試從高處望滿眼是廬山

渡潯陽懷春甫

秋在蒹葭末臨江倍覺涼夜來君識否風雨渡潯陽

懷黃梅令曹秋浦兼寄廣西學使王春甫

七夕蒲亭有所思曾將銀字押成詩瘴江孤客腸空斷

明月何曾似昔時

豐城縣阻風舍舟由陸至南昌

舍舟從覓路行李又匆匆不夜江邊月非花岸上楓穿

林驚吠犬喚渡見歸鴻捷徑非無意連朝阻北風

題新建明府琪園弟

鐸明湖攬翠圖圖為同年王蓬心作

我在滕王閣不作滕王詩滕王山水雖云勝惜無子安

絕妙之好辭忽思家太史筆力頗似之割新建雞志不

重刊詩集卷十六
展大明湖畔歌驪駒倩王舍人寫一角髣髴春水含風
漪湖光雖好歸何日只恐萬姓留旌旗難見如天闢如
鬼昨日始得談襟期肆筵半夜爲我設賭酒徵歌無不
爲可憐吐句尚如昔氣槩直欲吞鯨鯢銅龍蠟盡興未
盡竟欲老兄豎降旗笑謂琪園汝何痴古人作吏此事
廢縱有文采誰復知不如且韜螭頭筆濡染丹鉛批判
詞今晨送我來忽又別我去遺下攬翠圖要我題新句
前有沈初董詒與章謙恒褚廷璋昔本同年一巢聚今觀
其詞如大楚勁敵使我不能語急捲還君渡江去此後相
思暮雲樹

謁包孝肅祠

合肥縣城南

孝肅祠堂古猶餘待制名片言能獄折一笑比河清無
子寧邀福非孫不入塋閻羅今在上關節到應驚

梁縣鮑明遠讀書臺見題詩甚夥戲題一絕

讀書臺畔日初曛細草幽花滿徑薰任是何人詩在壁
自然俊逸讓參軍

和安南使臣阮輝傑題壁詩二首

甲午秋奉命典試粵東道過恩縣見壁上

絕云仲春烟景柳絲斜宵雅三章荷拜嘉舜目
重瞳瞻舞罷周原穩駕指南車後署云乾隆丁

亥年二月二十五日回程作安南探花阮輝傑
題後又過涿州店壁復有題詩云遠捧芝輪萬
里回煙雲遶向馬頭開客囊衣在縫仍密帶得
平安兩字來後亦署輝傑回程作蓋亦丁亥同
時事也我朝文教遠被屬國皆然因為和之
詩題驛壁字欹斜韻事南康兩可嘉試問春風南北客
交關可是續來車
秋風銀漢使查回五嶺天高瘴霧開欲識
遠試看白雉越裳來

題湯辛齋
粵東記程

圖經何必借端公如指螺紋展卷中自笑往來牛蹄迹
誰分順逆馬趨風較量日月爭先後推算陰晴各異同
此是南交問津處不知三載又誰東

奉和舍人顧星橋
宗泰 見題粵東皇華集元韻

無病而呻譏自古四百篇詩出使臣細嚼梅花君定笑
何曾偷得嶺南春

集中樂府定如何黃木灣前畫舸多誰使珠娘隔珠水
月明長聽摸魚歌

水經三峽照人清仙侶同舟倍有情記得聯吟宿中宿

蜀聲畢竟遜吳聲
謂青陽王 春甫也

江南詩老不輕夸品隲居然比大家他日停雲倘相憶
也應剪取海東霞

君有停雲集若干卷皆當
今各宿子詩亦等選中

附原作

中書 顧宗泰 景嶽

羅江才子今詞客玉署仙郎作使臣花滿越王臺畔
路一編收拾五羊春

七十二峯何處好白雲山外白雲多瓊杯如海看朝

日榕樹陰中發浩歌

枚士餘閒寄古情珠州翠浦晚風清豔歌小作琵琶

怨子夜猶傳樂府聲

集中小樂
府最上

嶽轉湘飛未許夸番出無數舊三家鷓鴣嶺接梅花

嶺清麗詩情似斷霞

附試帖二首

賦得善人為寶 何良字 考差御試

至寶何為貴 皇朝善是彰秉燹天錫福和氣地鍾祥
漸見餘家慶驚看八室光當年差迹踐此日喜旌揚南
國人堪憶東平語不忘沾之吾待價器也汝為良稼穡
符今瑞芝蘭襲古香磨礪邀 睿鑒特達重珪璋

賦得百川學海 得宗字 粵閩擬程

法言於水鑒一脉仰儒宗忽動臨川歎還尋導海踪淵
源歸上善派衍述中庸禮若侯朝夏書同史足冬篆文

虛想像

陸放翁詩參落

巴字妙形容

唐詩巴江

功還焉

能測資深自可逢易云盈坎吉詩曰湖海從幸際澄清
日羣沾 聖澤濃

童山詩集卷十七

綿州李調元甫村

乙未

二月十二日顧星橋

宗泰

問疾出夢樓師詩見示

並乞觀余悼亡詩

積困身慵藥裹前松風誰共乳花圓忽逢風雨三年友
來話春寒二月天袖裏新詩元白體篋中舊恨阮劉緣
君看續後看雲集半是姮娥血淚煎
憑君莫話昔時遊每歛師門十日留豪俠欲爭劉毅筆
神仙不讓李膺舟自攀薊北垂楊路常愛江南杜若洲

今日程門雖遠隔還如立雪傍簾鈎

觀鐵公子草書歌爲怡亭作

今晨出遊苦寂寞看花城西花已落忽思公子城南隅
敲門驚起兩赤脚揭簾瞥見隄塵殘掛壁新書墨未乾
渴馬奔河紙尚動驚蛇入草形初蟠回看主人冠不著
昂首解衣正磅礴見客無言據胡床墨氣薰人猶噴薄
君家富貴多琳瑯宣州石硯紫毫芒便乞爲予揮一紙
飄風驟雨來空堂天爲模糊雲爲立腕下嗽嗽聞身泣
令人却憶淳化年登登揚本如初濕須臾挽罷千鈞弩
不是如龍定如虎袖手旁觀膽爲寒恐有龍嶺出阿堵

先生姓鐵筆亦鐵鐵猶可折筆難折書成如客如贈金
始云禮豈我輩設再請觀君詩百篇奇氣小與書爭先
錦囊偷得長吉舌舞劍寧許張顛傳世人知此今鮮矣
我亦自負頗不鄙勸君非我勿輕與每遇花時乞一紙

贈趙瑞星

讀君文似馬定遇九方知笑我詩如蚓蔗衆一竅譏亦
花龍虎榜芍藥鳳凰池看爾沙隄上春風得意時

題水部戴蕝塘瑤晴川曉渡圖

我昔少年之楚遊直同江水送江流細雨初停白雀舫
秋風獨上黃鶴樓今君亦向楚江駐津亭還記舊遊處

神仙爭羨李膺舟畫手偏工米顛樹我亦同時之嶺南
行車苦恨不同驂武昌魚好應相憶合浦珠還較似貪
幾行鷓鴣歸仙署鸚鵡洲前想迴翥至今沙上喚船人
猶說使星從此去

借編修是東原俱在嘉州紹堂輪檢詩工士會汝嘉月夜

集唐鴛鴦港樂宇東絡山房賞海棠山房鄧大廷尉

海棠一樹倚東牆待我來看月色光怪道席皆無異客
須知花亦是同鄉蕉牕四面饒書氣苔砌三層落瓣香
却憶去年老廷尉歸衙朱履正盈堂

送及門郭書城雄圖解元下第歸粵卽用見和元

韻

高踞巍科一榜顛孫山偶落豈真天巾車載道思君後
衣鉢揮毫對客前老矣那堪息六月歸歟休悵隔三年
但教豪氣依然在看爾臚傳帶 御烟

送同年八兄左翼樹啟之官陸川

八兄家住潼川東復東十年萬卷讀在胸對客論文氣
如虎與我同作燒尾龍竭來謁選過文選適余承乏欣
相見意氣直無百里侯高懷猶戀 九重殿公餘相訪
待御宅飲酒一斗復一石冷宦偏思北闕栖夜談不覺
東方白今晨得官之陸川爲言官豈多得錢叱馭羊腸

古人有板輿封鮒胡不然我聞粵西山水甲寰宙詩才
曾屈柳子厚象跡添晴地雖殊鴉毛禦臘俗未陋君其
往哉無遲行蠻方指授須書生人生功名在晚達何必
定卜巖君平

題康州李瑤圃

春園種蕙圖

時將之寧海

我昔與君俱廿歲翩翩公子守一藝春風長出綠玉芽
人言並是佳子弟豈知遭遇臯魚同流落天涯唳兩鴻
風摧雨折勢不禁譬如蘭色凋青葱榻來長鬚投册子
乃是人生行樂耳觀君此意真肯堂九畹樹之猶未已
明當送君之牟平政聲亦如康山清要識種蘭先拔薤

看化鳴泉哺所生

七夕雨和蔡呂

橋曾源韻

漫向今宵話女牛雨多仙駕亦難遊人間拙似吾難化
天上巧寧任汝求河漢葦行原舊渡梧桐葉落又新秋
憑君莫話巫山夢恐動深閨少婦愁

清河遇考功景李門

江錦

歇馬河橋第一程得朋真慰出門情雨多鷺序雙雙立
烟聚蟬聲嘒嘒鳴地近西山迎爽氣人來北口報新晴
九衢車馬喧闐久好對滄浪共濯纓

宿石槽村農家和景李門韻二首

水涸趨程易孤村問宿難
牛闌見燈火馬磨出盤餐
舊種黍初穫新泥壁未乾
微聞田婦語兒睡勿驚官
十畝既無曠三秋兼有年
籬懸瓜蔓露屋老豆穉烟白
日暄常負紅塵夢不牽
莫嫌編戶小風雨亦安眠

登密雲城樓二首

飛樓立處兩崇墉
第一巖疆此要衝
拔地風聲來上黨
攢天雪色射居庸
萬峯北向星環拱
一水東趨雨挾從
烟火只今通徼外
笑他畛域昔年封
愴悼檀城又一過
餘生空付蓼蒿歌
河聲恨入風聲遠
山色愁兼雨色多
猶有童謠思郭伋
更無辨客識隨何

不堪城下憑車望
雉堞連年已長莎

酬鐵冶亭保

諸葛真名士
綸巾坐小輿
來從三角店
卧看一車書
行李虛隨僕
投桃實起予
長途欣得侶
不必賦離居

路遇隨園諸友

夜過雙雉曉歷短
長亭塞月無窮白
邊雲不斷青馬
敲山下鐙犬帶草
間鈴講武高秋罷
燕然看勒銘

石匣營

不見金溝館空餘
石匣營溪流多見
石蹄轉忽逢城棗
熟婦歡色禾收鳥
噪聲今朝沙土軟
得得馬蹄輕

南天門

今晨愁稀黃四山雲霏霽
躡徑沿曲折雉堞雜明晦
及登南天門旭日上峯背
長劍忽倚天劃出燕雲界
邊城如長蛇各各踣九塞
及此更盤蛇爭鬪一門內
我身如虛空胸中寡帶芥
捫天不二尺玩此星斗碎
回頭望祝融歛吸見紫蓋
得無駕朱鳥來與北辰會
便與驂翱翔埃壒不可載
群仙失靈旗闔闔昧所在
惟餘雄風來倚檻一稱快

古北口二首

天闕崔巍重北門烏丸地勢接崑崙
風高萬壑龍蛇動

雲鎖千峯虎豹屯自古三邊時有戍
只今九塞更無垣
微官此日趨行在真見星環北極尊
邊城百折繞峯巔眼底層巒集馬前
東抱陪京雲到地
北連瀚海勢兼天
秋高牛馬千群霧
日落貔貅萬竈烟
四十九藩何處是茫茫月竈總無邊

柳林

邊牆圈不住一徑出關門
山合疑無路溪回別有村
露花紅朶朶烟柳綠根根
誰畫峯巒好還愁費墨痕

巴克什營

破屋見星斗今宵愁奈何
風黃魑語近月黑虎聲多
壯

志年年老微驅處處過邊沙唯兩鬢終不感蹉跎

青石梁

閒官苦不閒愛此出門爽青山供嘯詠不暇嘆鞅掌
朝陟嶺來始覺失平厰石經萬古鑿泉遶隔山響人驚
蛇倒退客怪馬不上日出天愈高雲崩人護顙何處問
解鞍馬圈或可仿且復慰旅懷解囊得村釀

喀喇河屯

今為深澤縣

雨久灤河足雲開戍卒屯天增今日關河減去年痕秋
草馬鳴地夕陽雞散村飯餘自捫腹深荷主入恩

黃甲營

漸近邊沙地衣裘薄體涼樹聲風浩浩山色月蒼蒼寒

逼駝生毳人追箭退香不因村釀釀竟夕總徬徨

宿觀音寺

村落徑三曲人家房兩間好雲多在樹斜日半吞山偶
遇僧歸寺時聞虎守關幽棲者誰子倚杖聽潺潺

樺榆溝

繫開小徑僅車容百折垂厓不計重黃葉初辭三兩樹
白雲已露萬千峰泉歎石吟龍難上路轉山腰鳥易逢
今夜欲謀佳處宿前村却少道旁農

新開嶺

何年鑿石闢崢嶸老樹懸厓半火耕風擺松聲松鼠落
雨搖竹影竹雞鳴同來喜得鷓鴣行併異地愁同鳥道行
莫厭地寒沙撲面 巡輿過處萬人迎

芹菜嶺

好山多透迤好水多漫衍譬如蘊藉人奇才不自展逮
其遭凌厲圭角乃微顯茲嶺未著名芹菜見亦鮮草木
如歲難遂使知者罕涼秋木葉凋瀑盡潦歸澗忽露骨
堅瘦始覺水清淺巧石見鬼工玲瓏出天削虬松不數
株一二棟梁選乃知荆榛中未可概失揀平生愛奇峭
半誤險與區從今出門遊記取踏平坦

懷柔縣望黍谷山

蒼翠微嵐一抹收風烟三輔接 皇州天連白水平沙
磧地近黃花古戍樓野渡無船波漫漫寒山有吹黍油
油還聞父老田邊說每歲常逢 御輦留

古北口雜詩四首

俗異沙陀部風同勅勒川雙鷗雲外落一騎日邊旋墨
黑粘衣雨沙黃燒野煙行人愁佇立遠樹極遙天
聞說窮荒外民風與古侔醜顏傾馬酒蓬首著駝裘日
日邊雲起時時塞雨收居人談水土怪絕遠人遊
蕭條愁地遠廓落渺天涯六月竟無暑三春少有花沙

愁霜不殺山杏夜含葩牛馬如雲處依稀各部家

自古爭邊險於今解甲兵烽平都護府月上可敦城象
膽因時轉駝聲到夜鳴况兼饒畜牧好自勉農耕

謁許忠愍公祠并序

公諱直字若魯如臯人明崇正七年進士出文
震孟門以名節自砥任義烏令清操嶮然丁母
艱哀毀骨立服闋補惠來令以清望徵吏部文
選主事進考功員外郎賊薄都城約同官出貲
饗士為死守計城陷賊令百官報名公曰身可
殺志不可奪堅不赴有傳帝南狩者公將往見

賊騎塞道出門輒返曰四面兵戈駕焉任國亂
不匡君危無濟惟死而已已知帝崩一慟幾絕
老以七十老父為解公曰不死辱及所生乃作
書寄父賦絕命詩六章其一云投筆翻然辭世
行七親幼子隔幽明丹心未雪生前恨青簡空
留身後名遂閉目自縊死同時殉節者自吳橋
范公景文以下共二十人入本朝俱得賜諡
公諡忠愍相傳文選司堂後册庫左側小屋即
公投綬處歷年封固不啟歲久屋漸頽今歲大
冢宰武進相國請修葺衙署並祠宇新之匝月

落成因祭展謁賦詩以記

嗚呼甲申變流寇如蟻織臣皆亡國臣束手竟無策遂
令金甌破天王殉社稷公時掌南宮案牘羽書迫椎牛
誓登陴死守期困賊女牆皆中官上城上不得相傳帝
南巡恨不生兩翼出門復入門轟轟砲聲擊四面皆兵
戈車駕將焉適忽聞天地崩血淚如雨滴危亂不匡濟
活此身何益一慟拜老父寄書別家宅不死辱及生詩
成淚嗚咽回望迎賊輩報名何絡繹匹夫自有志肯以
三公易閉門正衣冠願從文信國哀哉竟成仁凜凜九
泉碧嗟公本孤介如臯傳世德起家自縣令清風絕貪

墨及茲竟捐軀始終一心赤遂同吳橋公廿人炯史冊
我朝錫嘉謚遺祠護解側瞻拜見靈旗銓曹主氣色兩
楹久傾頽古樹穿屋壁今年換衙署得請冢宰力令司
董丹蘄旌額加整飭以此妥神居焄蒿歲不貳吁嗟後
來人萬古起憑式

再弔許忠愍公二首

慟哭天崩鼎鑊甘攀髯無地挽龍驂已聞賊騎爭趨北
豈有鑿車尚狩南國亂不匡誰所誤君危無濟自加慙
丹心一自黃泉照水鏡於今影尚涵

倉皇閉戶泣斜矐絕命辭哀不忍聞正恐偷生羞老父

敢言拚死報明君，心悲誤國東林黨。眼斷勤王北闕軍，誰把孤忠殉茲土。千秋祭掃當公墳。

飲鐵冶亭保家

有客能如此風流，復在茲文章。欣有託意氣，竟無疑。日落鴉飛急，天寒雪落遲。不須投轄飲，隨意倒餘卮。

乞臘肉寄檢討王公會

肉食從來鄙，偏於臘不然。色經三伏後，味想五年前。搜篋余何敢，分甘古所賢。休文今瘦甚，莫惜一豚肩。

長至齋宿銓曹，大有雪意同韓考功。開雲胡衡王

司勳鎮之汝壁作

星火傳呼下漏時，銓曹趨宿我偏遲。日邊冬至千班集，天上春回一線移。晚達情懷羸馬共，早朝滋味曙鴉知。明朝鵠立宮門外，誰唱唐人賈至詩。

齋宿次日微雪再和前韻

紛紛雪落直衙時，案牘毋妨吏去遲。靜愧王戎才不滯，遠思毛玠俗能移。人衝柳絮帽簷覺，天冷梅花布被知。今夕冰廳清似水，不談風月只談詩。

長至齋宿用齋字韻四首

剛辰將屆禮宜齋，護駕先聞選摘差。魚鑰下時人直署，鷄籌唱後吏橫欒。暑將添綫吹葭管，雲欲飛灰落豆

稽此夜菜根充一飽莫將珍味怨無腴

連宵襪被共吾儕夜話居然似冷齋老去功名思拊髀
狂來爾我欲忘骸霜催鐘響先宮箭風送琴聲出省槐
最是玉堂人未寤署門竟夕自常關

萬國經心屋 聖齋先期出 禁撒珍鮭雲移壁壘屯

關虎星落櫓槍掃井蛙蘇東坡郊祀慶成詩西極落櫓槍時王師平金川指日奏凱

故已見紅旗來玉壘早聞白象款珠厓明朝定見天

顏喜雨露歡聲到海涯

鴛班自笑獨凌楫幸借同寮得劇揆香氣坐餘消篆鴨
燭烟談久裊盤蝸宦情易羨鶯遷谷野性難爭雀化淮

便作太常何所苦却嗤周澤怒干齋

郊天禮成恭紀四首 仍用齋字韻

相風偵候起衡街霜仗遙當 鳳闕排十二鑾鈴陳彩

雉三千犀甲擁黃駟天開堯率晴雲迴地湧蓬萊曉氣

佳此日南郊誰扈從齋宮親侍 聖人齋

典祀 郊邱展孝懷質明行禮宿如齋 一人星拱來

辰極百辟羣從上卯階燿燦夜光籠燎桂網緇升氣看

燔柴 恩波四海從今徧降福由來頌孔皆

絳燈高與正陽偕金鼎香焚屆出齋蒼壁陳時孤月滿

赭袍飄處片霞筵禮因日至犧供潔樂奏雲和鳳管諧

要識萬年膺 寶祚碧霄十里淨無翳

帝從郊外整 輿葦日動蕭光恰散齋祭畢 六龍回

翠葆班齊雙鳳報牙牌紫檀霽霏烟初散黃道霏霏月

乍措長美詞臣偏近 轡和聲鳴盛獨啾啾

得家書寄香如叔三首

家書真似得黃金萬里飛來慰遠人向秀屢聞耆老盡
阮咸終懼子孫貧各天琴瑟真難鼓異地墳箴且自親
不是執書多懶拆拆來翻恐倍傷神

聞道松州尚駐軍羽書星火下鄉聞喜逢邊報方三捷
憂到田園減十分舊種松杉無足惜新培蘭桂有餘芬

殷勤相勸無多慮解救貧囊是嗣君

尚有雲籠一故園拋來風雨付頽垣愁時便憶東籬菊

愛日長思北背萱千里有書倩黃耳一生無僕似青猿

從來鄰有纓冠救莫畏耨鋤瑣細言

和墨莊雪詩

龍鍾袖兩手瑞雪滿千家忽覺衣無絮全疑眼有花已

暗風更攪入夜月偏賒贏得妻孥說盈門掃作茶

和鐵冶亭 保陶然亭醉歸韻

平生多塊壘得酒更崢嶸以此陶胸臆無端露性情人

歌枯樹卧雁起荻蘆橫自笑愁城裏年年被酒兵


... 自艾然... 手... 其

... 亭... 亭...

... 人... 門... 於...

... 手... 於... 於...

... 林...



... 山...

... 山...

